

NA EBE MOLIMO O

FETOLA MOHOPOLO OA HAE?

 . . . Molimo. Ha re tsoe re sa eme re inamisitse lihlooho tsa rōna, nakoana feela.

Ntate ea Maholimōng, re U leboha ka ntho efe ea mohau eo U re neileng eona. Ha re na tokelo ea—ea mahlohonolo afe a Hao. Ruri mahlohonolo ao re a fumanang ha rea a sebeletsa. 'Me rea rapela, Molimo, hore U tle u tsoelepele ho ba le rōna. Ho kena feela le ho utloa maikutlo a babatsehang ana a moea kahara kopano, kea tseba o tsoa ho Uena. Ka hona kea rapela, Ntate, hore U tsoelepele ho hlompha kopano ea bosiung bona, ka Boteng ba Hao, le ho folisa bakuli bohole le ba hlomohileng. Aba sena. Ena ebe e—e bosiu bo boholo boo re sa tl'o bo lebala kapele, ka baka la Boteng ba Hao. Re e kopa ka Lebitso la Jesu. Amen.

² Ke batla ho kopa tšoarelo ka ho lula halelele hakana maobane mantsiboea. Ke tla leka ho potlaka bosiung bona, re tle re potlake re—re rapelle bakuli. Ke utloile ke thabetse kopano ea bosiu bo fetileng. Ekare ho folile batho ba bangata. 'Me ka fuoa tšehetso ea tonana, mang le mang a rapela, le hona 'moho. Re ema joalo. Ka baka leo, Morena a le hlohonolofatse. Joale, kea nahana, hosane bosiu re tla... Kea kholoa ba e tsebisitse. Ke sebaka se seng—se seng. Ke hantle.

³ Joale ha re phetleng Bukeng ea Numere, khaolo ea 22, ka potlako hantle, bakeng sa therou e nyenyane, ho etsa litlhahiso tse 'maloa, re ntano khethela mola oa thapelo nako e ngata.

⁴ Billy o itse o abile litlankana tse ngata, makholo a mabeli kapa a mararō a tsona. 'Me ho tla nka nakoana ho ba fetisa moleng oa thapelo, ka baka leo ke—ke tla bua metsotso e 'maloa, ke sa tlole metsotso e mashome a mararō, haeba ho khonahala, ke ntoor qala mola oa thapelo, ho rapella bakuli. Ho Deutronoma, ho... Ntšoareleng.

⁵ Numere, khaolo ea 22 le temana ea 31, ke lakatsa ho bala sena.

Eaba MORENA o tutubolla mahlo a Balaame, 'me a bona lengeloi la MORENA le eme tseleng, lerumo le tsomotsoeng le le letsohong la lona: a inama, a itihela fatše ka sefahleho.

⁶ Joale sena e batla e le sehloohonyana se sa khabang ho—ho hahela tšebeletso ea pholiso motheo. 'Me ke tla leka ho qala

mola oa thapelo ka hora ea robong, haeba ho ka etsoa. Joale bosiung bona ke batla ho tšoarana le temana: *Na Ebe Molimo O Fetola Mohopolo Oa Hae?*

⁷ Lea tseba, re ka fetola mohopolo oa rōna, kaha re—re ithuta nthoana e fapaneng, rea tseba haeba re ne re fositse.

⁸ Empa ha ke lumele Molimo a ka fetola mohopolo oa Hae. Hobane, haeba A etsa, A ke ke a ba mohlokaphello, 'me A ka etsa qeto e molengoana haeba A ka e fetola. Ka baka leo O... Tumelo ea ka ho Eèna, ke e reng—reng A ke ke a fetola mohopolo oa Hae. Hobane haeba Molimo a etsa qeto, O tlameha ho tiisetsa qeto eo. Ua bona? 'Me nako le nako ha bothata bo tšoanang le boo bo hlaho, O tlameha ho itšoara se ka A entse khetlo la pele, hoseng joalo O sebelitse ka phoso khetlong la pele. Ua bona? Ka hona re fuoa nqalo ea ho tšetleha e—e tumelo ea mantlha. Joale re ke ke...

⁹ E, tumelo ha se lehlaku le lokotsehang feela, leo u ka le fofoisetsang *mona* le koana nqa e 'ngoe. Ke ntho e tlamehang ho tiea. E tlamehile ho tsitsa. 'Me, joale, nke ke ka tšetleha tumelo ea ka holima monahano o itseng. Eka khona e be ntlha e nèpahalitsoeng le pele nka ba le tumelo.

¹⁰ Joaleka monna ea khethang mosali, ho mo nyala. Khele, eèna, o tlameha ho ba le tumelo ho mosali eo a mo nyalang, hoseng joalo o ntse a iphehlela mathata a mangata. Ua bona? Ka baka leo o tlameha, u tlameha ho ba le tumelo, lintlha tse itseng tse tiileng, ho e tšetleha holima tumelo e itseng; holima lentsoe la hae, holima seo motho e mong a se buileng, kapa ho hong. O tlameha ho fumana sebaka sa ho tšetleha sefahleho sa hae, tumelo holima sona.

¹¹ Ka hona ke utloa ho re, ho kopana le Molimo, nka tšetleha tumelo ea ka holima ntho e le 'ngoe feela 'me eona ke Lentsoe la Hae.

¹² Hobane, re fupile menahano e fapaneng, boholo ba rōna. Re ka lula fatše ra bua ka seo re tlang ho se ja, khele, re tla fapania ka seo re se jang; 'me re bopiloe re fapania, litakatso tsa rōna tsa lijo li fapania. 'Me hoo ho etsa likereke tsa rōna, re bona menahano ea tsona ka se lokileng le se fosahetseng e fapania. Hoo ho nea rōna, e mong lee mong, monyetla oa khetho.

¹³ Empa, ho 'na, ke—ke lumela Lentsoe la Molimo le lokile. 'Me kea—kea lumela ha se la boithhalosetso ba motho. Ke Le lumela kamoo le buang, ke 'Nete. 'Me ke Le nka joalo, holima motheo oa hore Ke Lentsoe la Molimo. Joale, ha ke na tumelo e lekaneng, mohlomong, ho le nkisa khato, empa ruri nke ke ka ema tseleng ea motho oa tumelo e lekaneng ho Le nkisa khato.

¹⁴ Joaloka, ho tea mohlala, tumelo ea Henoke e itse ha a tlameha ho shoa. Mohla a neng a ithapolla thapama feela, eaba o khathatsoa ke lefatše lena 'me a tloha a nyolohela

Leholimōng. Ruri ke rata ho fumana tumelo ea mofuta oo. Empa ke tšepa re tla fumana tumelo eo tsatsi le leng, ha re ntse re hola ka ho Eèna. Joale ea rōna . . .

¹⁵ Lebaka la ho khetha tulo ena, hobane mona ekare, ho 'na, ke nqalo e le 'ngoe e—e hlokolosi kahara Bibele ea therō ea bosiu bona, kaha ekare Molimo o fetotse mohopolo oa Hae, o bolella Balaame ho etsa ntho e 'ngoe oa ntoo mo bolella ho etsa ntho e 'ngoe. Ka baka leo, mohlomong, nakoana feela, re tla leka ho otlolla taba ena nakoana, le ho bona hantle seo A 'moleletseng sona.

¹⁶ Joale ho hlopholla taba ena. Re tseba Balaame e be e le e—e—e moporofeta. 'Me Balake e le morena oa Moabe, mehleng eo. E se bomosalumele, holimo Moabe, ba sebeletsa Molimo oo Iseraele a o sebeleletseng. Hobane, Moabe, mothei oa sechaba seo ke mora oa Lota, ka morali oa hae, 'me ba sebeletsa Molimo o le mong. Ha u ka elelloa, lihlabelo tsa bona le ntho eohle li ne li tšoana hantle, lipholo, le lipheleu, tse lekanyang ho Khutla labobeli. 'Me joale haeba thutamotheo e le phetho seo Molimo a se hlokang, ekabe'ba sehlabelo sa Moabe se theiloe holima motheo joaloka Iseraele. Empa joale rea ba fumana, Iseraele e temeng ea ho sala Lentsoe la Molimo morao, e habile lefatše leo ba le tšepisitsoeng. 'Me ba fihla . . .

¹⁷ Mona ke papiso ea tlhaho le ea moea, tse teanang. 'Me ntho ea tlhaho le ea moea ha li kopana, kamehla lia hohlana, hobane li thulana ka liphatla. 'Me Iseraele mona, ka mokhoa oo, ke batla ho e bapisa le Kereke ea semoea; 'me Moabe joaloka kereke ea tlhaho, ke kereke feela, seo re se bitsang, kereke ea tlhaho.

¹⁸ 'Me bohole re kholisehile hore e—e kereke e teng, hape ho be le Monyaluoaa ea tsoang kerekeng eo. Re tseba seo, hore ke 'nête.

¹⁹ 'Me mona ba qabana. 'Me mona ha ba qabana rea elelloa, e chabiso leseli la seo ke batlang ho bua ka sona nakoana. Hang ha ba qabana, 'me e mong a bona se entsoeng ke e mong, eaba ho hlaha boetsitsi bo bongata, ba e mong ea qopitsang e mong.

²⁰ 'Me kajeno re e fumana hona moo, re fumana boetsisi bo bongata. 'Me ha u etsa joalo, kamehla u kena khathatsong. U ke ke ua phela bophelo ba mothaka e mong. Re ke ke ra etsisa ntho e 'ngoe. Re tlameha ho ba seo re leng sona feela. Ha u a tšoanelo (le ka mohla) ho e leka. Haeba thaka *lena* le etsa ntho; kahobane a e etsa, u nahana hore u ka e etsa, le uena. Ha u etse joalo. U motho ka bomong, ho Molimo. 'Me ha rea tšoanelo ho leka ho etsisana.

²¹ 'Me joale, Iseraele, e kene temeng ea kutlo hantle, ba hoanta ba habile molao oa bona, ka molao oa Molimo, ho ea lefatšeng la pallo, ba qabana le Moabe, sehlopha se seng sa balumeli.

²² 'Me kea tšepa ha e utloahale hampe haholo. Empa setšoantshonyana seo ke batlang ho se taka mona ke hore,

Moabe o ne a ikahetse naheng, a batla a hlophiloe. A hlomamisitse likhalala tsa hae, le batlotlehi ba hae...ba 'muso oa hae.

²³ Empa Iseraele e le e—e moleleri feela. Ba se na bolulo bo ikhethang. Ba phaila ka tataiso ea Morena feela. Joale, kea lumela, hape, Balaame, hamorao seporofetong sa hae, o itse, "Ke batho ba sa baloeng le lichaba. E tla ba secha se qhalaneng." 'Me esale ho le joalo. 'Me re fumana, ho hlahile qabang.

²⁴ Joaloka Kaine le Abele, le bona ba kile ba qabana. 'Me e le baena, le 'mè oa bobeli ba bona a le mong, Eva. 'Me re ba fumana ba itemohile e le batho ba busoang ke lefu, 'me ba ne ba ntšitsoe Bophelong, ba lelekiloe tsimong ea Bophelo. 'Me bobeli ba leka ho fumana tsela e khutlelang Teng. 'Me ha le ka elelloa, bashanyana bobeli e le barapeli ba tiileng. Kaine e le morapeli hakaalo ka Abele. 'Me bobeli ba hahile lialetare, ka mantsoe a mang, kereke. Bobeli ba entse sehlabeled. Bobeli ba rapetse. 'Me ba—ba sebelelitse Molimo, bobeli ba bona, empa e mong a Mo sebeletsa ka phoso.

²⁵ Joale, u a bona, u ka tšepahala haholo u mpa u fosahetse. U ka fosa. "Tsela e ka bonahala e lokile, athe qetello ea eona ke litsela tsa lefu."

²⁶ Joale re—re bona 'nete ena ka Kaine le Abele. 'Me hoba ba bone...Kaine o bone sehlabeled sa Abele se amoheloa. 'Me, nka khefutsa mona ho bua, horeng Molimo a amohetse sehlabeled sa hae? Kahobane a—a e ne e le...Ka tšenolo, o utloisisitse e se liapole, kapa kea kholoa joale ba e fetoletse ho ligaranata kapa ntho eo ba e jeleng tšimong ea Edene, e hlahisitseng sebe. 'Me o fumane Adama...kapa, ke bolela, Abele o lumetse hore (eëna) eona e ne e le mali. Etsoe, e ne e le oona. 'Me Abele, ka tšenolo, ka tumelo, o hlahiselitse Molimo sehlabeled se molemo ho sa Kaine; Molimo o bile oa paka, hoba o ne a lokile. Ua bona? 'Me Kereke eohle e hahiloe holima tšenolo e Halalelang ea Lentsoe la Molimo. Ntho eohle...

²⁷ Jesu o itsalo. Ka tsatsi le leng, ha a theoha thabeng, O itse ho barutuo ba Hae, "Ke le Mora motho le re Ke mang? Kapa ebe batho ba re Ke mang?"

²⁸ "'Me ba bang ba itse, be, U 'Moshe,' U 'Eliase,' kapa 'e mong oa baporofeta."

A re, "Empa lona le re Ke mang?"

²⁹ Eaba Petrose o hlahisa polelo e khôlô eo, "U Kreste, Mora oa Molimo o phelang!"

³⁰ A re, "U lehlohonolo, Simone, mora Jonase." 'Me khang e khôlô hara balumeli ke ena.

³¹ Joale kereke ea Katolike e re, "Mono O—O hahile Kereke ea Hae holima Petrose, hobane O itse, 'U Petrose,' lejoana, 'holima lejoe lena, lejona, Ke tla haha Kereke ea Ka.'"

³² Be, joale, boholo ba Protestanta bo lumela hore O e hahile holima Hae, holima Hae, Lejoelantlha. Empa, ua bona, E ne e le Lejoelantlha la mohaho. Ke lumela seo A hahileng Kereke holima sona . . .

³³ Ha se ho fapania, empa, u a bona, potso e ne e le, "Batho ba re Ke mang?"

³⁴ 'Me Petrose a re, "U Kreste, Mora Molimo o phelang."

³⁵ A re, "U lehlohonolo uena, Simone, mora Jonase, ha se nama le mali a u senoletseng hona. Ha u a ithuta eona ka ho ea seminareng. Ua bona, ha u a ithuta eona ka nyee e entsoeng ke motho. Empa Ntate oa Ka, ea Leholimōng, o u senoletse hona. Ua bona? Holima Lejoe lena Ke tla haha Kereke ea Ka, 'me likhoro tsa lihele li ke ke tsa E hlola," tšenolo ea semoea ea Jesu Kreste, eèna eo E leng Lentsoe. Ka hona e tla be e le 'Nete ea Lentsoe e senotsoeng ka moea, ke hona moo Kereke e phomolang teng.

³⁶ Ke nahana e le sona seo Abele a se fumaneng tšimolohong, tšenolo ea semoea hore e ne e se tholoana ea tšimo kapa mesebetsi ea matsoho a rōna, kapa tse joalo. E ne e le mali. 'Me eaba o hlahisetsa Molimo sehlabelo se molemo—molemo ho sa Kaine.

³⁷ Rea fumana ho Abrahama le ho Lota, ho a tšoana, ka khetho, hobane Lota o ile a theoha, mohla nako e fihlang, mohla kereke ea moea le—le ea tlhaho li qabanang, ka baka la balisa ba mehlape. Keha ba tlameha ho arohana. 'Me ha e etsahala, e hlahissa mona.

³⁸ Re fihlela Abele, kahobane Molimo a mo amohetse, 'me A sa amohela nyehelo e khōlō e ntle ea Kaine, a ile a e sebeletsa ka thata hakana. 'Me a tletse borapeli, a ile a inama a khumama, le joalo, a etsa sohle se entsoeng ke Abele, a mpa a hloka tšenolo ea 'nete. Ka hona re fihlela, hoba Molimo a amohele tšenolo ea Abele le nyehelo ea hae, e hlahisitse mona oa Kaine nqa Abele. 'Me eaba ho etsahala polao ea pele.

³⁹ Re fumana mona o hlahile lipakeng tsa balisa ba mehlape ba Abrahama le Lota, 'me ba tlameha ho arohana.

Re fumana Moshe le Kora ba qabana, hape.

Jesu le Judase ba ile ba qabana.

⁴⁰ 'Me joaloka mehla, ho lutse ho tšoana, le kajeno ho a itšoanelia, kereke ea tlhaho le kereke ea moea lia qabana ha li kopana. Joale, ea tlhaho e leka ho ipapisa le ea moea, kamehla ka boetsitsi ba nama. Empa, joalokaha ho etsahetse ka Esau le Jakobo, e ke ke ea sebetsa.

⁴¹ Molimo o bitsitse Kereke ea Hae, e reiloe lebitso, e khethetsoe kathoko. 'Me mongoaheng oo E phelang ho oona, O tla Itsenolela Eona, nako le kamehla, kamoo A boletseng ho Baroma khaolo ea 8, hore boitsebelopele kapa boitherelopele ba Molimo bo tle bo eme bo tiile. Kaine, kapa ke bolela . . .

⁴² Esau le Jakobo, le pele mang a tsoaloa, le pele ba fumana monyetla oa ho ketha, Molimo o itse, "Ke hloile Esau ke rata Jakobo," hoba O tsebile se leng kahare ho bona, le ho qaleng. 'Me rea tseba . . .

⁴³ Le e hopole kelellong, O tseba se ka pelōng ea hao. O tseba seo u se bolelang. Ho sa tsotelehe seo re se buang, O tseba seo u se bolelang.

⁴⁴ 'Me esale e hlahisa bothata. 'Me bao, e . . . kamehla, ea tlhaho ka tloaelo e a leka, ho tloha mohla Kaine a fenethang Abele, esale oa tlhaho a leka ho timetsa tšoaetso ea oa moea. Le kajeno re e fumana e tšoana, ke ntho e tšoanang kajeno. E ipaka e tsoa ho Satane, hobane ke mona le boetsisi ba 'Nete.

⁴⁵ Ka baka leo, re hlile re lumela hobane Molimo ha o fetole mohopolo oa Hae ka seo A se buileng. O tsepama Le sona ka ho tiea.

⁴⁶ Empa O na le thato ea tumello. Joale, mono, bothata bo hona mono. Re leka ho sebeletsa holima thato ea Molimo ea tumello, 'me o tla E lumella. Empa hape haeba re nka thato ea Hae ea tumello, leha koana e sa loka, O tla etsahatsa thato ea Hae ea tumello, ho sebetsa 'moho, ho tlotlisa thato ea Hae e phethehileng.

⁴⁷ Ha ho letho le tla tsamaea ka phoso, ho Molimo. Re a . . . O tseba moo nako e otlang e habile teng, bosiung bona. Ha ho phoso ea letho. Khato ka 'ngoe e otla ka tšoanelo ea eona hantle, ntho eohle. Re e hopola e le phoso, empa O e tseba e lokile. E tlamehile tjena.

⁴⁸ Joaloka tšimolohong, Molimo o lumeletse sebe. Ha O a ka, hase . . . E ne e se thato ea Hae e phethehileng.

⁴⁹ Empa, u a bona, Molimo, Moea o moholo, Ntate, ka ho Eèna ho ahile litholoana, 'me lintho tsena tseo le li bonang li pepesitsoe joale ke litholoana tsa Hae tse pepesitsoeng feela. O o ne a itulela a le mong, E ne e se le Molimo; Molimo e ne e le tlotla e rapeloang. E ne e le Rabosafeleng e Moholo Eo. 'Me ka ho Eèna ho ne ho ahile litholoana, tse joaloka ho ba Ntate, ho ba Mopholosi, ho ba Mofolisi. 'Me joale, O ne a ka khona joang pele . . . O ne a tlamehile ho ba Ntate, hobane taba eo paka hore E ne e le Ntate, empa O ahile a le mong. Ke mohlolehi a le mong. 'Me, joale, empa litholoana tsa Hae li tlameha ho pepesoa.

⁵⁰ Joale, ho ba Mopholosi, ntho e 'ngoe e tlamehile ho lahleha. 'Me Molimo a ke ke a lahleheloa ke letho ka boomo a ntano le lopolla. Ketso eo ha e tšoanele khalalelo ea Hae le kahlolo ea Hae e khòlò. Empa O beile motho ho ikhethela, a ntse a tseba hoba motho o tla tlola. 'Me lebakeng leo, hape, eaba O fetoha motho, ka Boeëna, ho boela a lopolla motho ea tlotseng. Ka baka leo Jesu e ne e le Emmanuel. Hola Molimo oa roma motho e mong ntle le Eèna, e ka be e se toka. Molimo o ne a tlamehe ho tla ka Boeëna a tlatse sebaka seo. 'Me Molimo

o no o ke ke oa theoha ka Moea ho tlatsa malulo ao, O ne a tlamehe ho etsoa nama, ka nama ea Mora oa Hae ka Sebele ea bopiloeng.

⁵¹ 'Me O bontšitse mona, qalong, thato ea Hae e phethetiheleng e be e le ho bopa motho ka lerôle la lefatse. Empa, ua bona, O lumeletse tsoalo ea bong ho kenyeteletsoa. Tsoalo ea bana ka bong e ne e se morero oa Hae, empa bo lumeletsoe, etsoe bo se bo tla felisoa kapele.

⁵² Joale re fihlela Moabe e le oa bonyatsi, le—le ho qala, kaha e be e le mora oa Lota, ka morali oa hae. Joale elelloang, joaloka kereke ea tlhaho, Moabe o bap—... bapisa e—e kereke ea tlhaho, Moabe o joalo. 'Me Iseraele, kereke ea moea, joale, Iseraele, monyalua, e ne e le... e bapisa ba bitsitsoeng.

⁵³ Kereke Boeona, lona lentsoe *kereke* le bolela "ea bitsitsoeng, ho tsoa," bao ba tsoileng. "Tsoang ho eëna, lona batho ba Ka! Le khethehe, ho bolela Morena, 'me Ke tla le amohela ho 'Na. Le se ke la ama sesila sa bona." Kereke ea Molimo e bilelitsoe kantle ho lefatše, e ntsitsoe tšenyehong ea lefatše. Ha le sa le ba lefatše.

⁵⁴ Ke lekile ho le bolella, bosiu bo bong, lona, ke mohla u itsebang hore u ruile tebeletso ea topollo ea hao—ea hao ea Bosafeleng ka ho uena, ka kolobetsø ea Moea o Halalelang, e seng e u tsositse. Hona joale u tsohile le Eëna, re lutse libakeng tsa Maholimō, ka ho Kreste Jesu. Ua bona, ha u sa le oa lefatše. Ekare ha u rata lefatše, le litabatabelo tsa hao esale tsa lintho tsa lefatše, lerato la Molimo ha le eo ka ho uena. Ua bona? Re tsoa koana, re lokolotsoe lefatšeng. Takatso ha e sa le teng.

⁵⁵ Ho Baheberu, kea kholoa khaolo ea 10, ho itsøe, "Sehopotsø sa sebe e ne e le sa kamehla, selemo se seng le se seng, ho ne ho hlahisoa litopo tsa liphooftø tseo. Empa lebakeng lena, morapeli ea hlatsitsoeng hang ha a sa na letsoalo la sebe, ha a sa na takatso ea sebe." Ntho eohle e tlohilie ho uena, hobane u tsoselitsoe Bophelong bo bocha.

⁵⁶ 'Me hape kereke ea tlhaho ke sehlopha sa batho ba leng kahara mekhatlo ea malumeli, ba ingolisitseng. Hase le... Ebile ha ke sa e bitsa "kereke." Ha ke e reelle joalo. Ke e bitsa "loje," loje ea Methodise, loje ea Baptise, loje ea Pentekosta.

⁵⁷ Empa Kereke ke ba tsoetsoeng labobelø ba leng ka ho Kreste Jesu, ke babopuoa ba bacha. 'Me ka hona re sa bona, hore Molimo o boloka Lentsoe la Hae.

⁵⁸ Joale Moabe o bone, Moabe o ile a shalima holima nahia a bona Molimo o tsamaea hara batho e le sechaba se sa hlophisoang. Ba ne ba phaila hohle, ba tloha tulong ho ea tulong e 'ngoe. Empa ntho e mohlolo, ke hore, enereha ba khahlana le lichaba tsena ba li hape. Sohle se tseleng ea bona, ba ne ba se hapa. Joale, ba fumane hobane, Moabe o ile a ba

nyarela. Balake, a nyarela sechaba sa Iseraele, a ntoo re, “Ke batho ba aparetseng lefatše lohle.” O itse, “Me ba fula lichaba, joaloka khomo ha e fula joang.”

⁵⁹ ‘Me ba fumane, se seng sa linotlolo tse khōlō e le kamoo ba fumaneng tšenolo e khōlō ena, moporofeta o ne a le hara bona. Ba ena le moporofeta, joale, motho ea ba eteletseng. E be e se tsamaiso e betliloeng ke motho e kang eo a e tloaetseng, bonkhetheng ba hae—hae ba mo potileng, le lintho tse joalo, empa eona hape le batlotlehi ba hae. Empa ba ne ba fuoe e—e moetapele, moetapele ea bitsitsoeng ka Khalalelo.

⁶⁰ ‘Me, oh, ebile letsatsi le haulang hakakang, mohla kereke ea lefatše e ne e tlohela boëtapele ba Khalalelo ba Moea o Halalelang, ba itlhomela bishopo kapa ntho e tlatsang malulo a Oona. E ne e le letsatsi le bohloko. Eka khona Moea o Halalelang e be moetapele oa kereke. O rometsoe ho thasisetsa Mantsoe a Jesu Kreste, ho khontša kereke ho phela joalokaha e phetse qalong.

⁶¹ Ha se khale, mohla sekolo se tsejoang mona e—e motseng, seminari ea thupello. Ebile ba hahile e ’ngoe Phoenix. Eaba e mong oa banna, kapa sehlopha sa baithuti, e, ba theohela ho ’na ba re, “Rea u rata, Moena Branham. Ha rea koetla letho khahlano le uena, ho hang, re mpa re batla ho u otlolla.”

⁶² Eaba ke re, “Be, ke hlile ke batla ho otolloa.” Ka hona, eaba ke re, “Haeba ke fositse, ruri ha ke batle ho fosahala; ke qoqa le batho ba bangata haholo.”

⁶³ ‘Me a re, “Be, bothata ba hao ke bona.” Ha thoe, “U leka ho lhahisa, kapa ho phelisa hape, borapeli ba boapostola. Athe, borapeli ba boapostola bo khaolitse le baapostola.”

‘Me ka re, “E, monghali.” Ka re, “Be, joale haeba . . .”

A re, “Joale, ha ke batle ho phehisana le uena ka eona.”

⁶⁴ Ka re, “Le ’na nke ke ka batla. Ha re etse joalo. Ha rea tlameha ho etsa joalo. Re baena.”

‘Me a re, “Be,” a re, “ke mpa ke batla ho u thusa.”

Ka re, “Ruri ke batla ho thusoa.”

‘Me a re, “Joale, u a bona,” a re, “joale e . . . hoo ke ’nete.”

⁶⁵ ‘Me ka re, “Joale, ha re qoqa, ha rea tšoanelo ho sebelisa lithekesebuka.” Ka re, “Nke ke ka sebelisa ea ka,” ke sa e tšoara haese Ena. Empa ka hona—hona ka re, “Nke ke ka sebelisa thekesebuka, ke Bibele feela. ‘Me, le uena, re sebelisa Bibele feela.”

A re, “Ho lokile.”

⁶⁶ Ka re, “Joale, re lumela kereke ea boapostola e qalile ka Letsatsi la Pentekosta. Le lumellana le eona?”

A re, “E, ke etsa joalo.”

⁶⁷ Ka re, "Joale mona re elelloa Molimo a neile kereke matla, bakeng sa likhato tsena tsa boapostola."

⁶⁸ A re, "E, oo e ne e le moralo oa Kereke. Joale Kereke e se e beiloe ka malulo, 'me re fumana balisa ba rōna bohole, le mekhatlo ea rōna e meholo le lintho. Ha re sa hloka lintho tseo hape, ho hula batho."

⁶⁹ Ka re, "Joale ke hoakae moo Bibebe e rialong?" Ka re, "Ak'u mpolelle moo Bibebe e rialong." Ua bona?

'Me a re, "Be, ha ehlile ha e bue joalo."

⁷⁰ Ka re, "Be, ka hona, pele e bua joalo ha ke e lumele, ua bona. Ua bona?" Ka re, "Rea . . ." Ka re, "E tlamehile joalo." Ka re, "Na u a lumela Molimo o sa ntse a bitsa batho?"

A re, "E, monghali."

⁷¹ Ka re, "Joale na u tla lumela hobane Bibebe e lokile, karabo ka 'ngoe?"

"Yaa."

⁷² Ka re, "Joale, sebui sa Letsatsi la Pentekosta, e ne e le Petrose, a tšoere linotlolo tsa 'Muso."

"Ke hantle."

⁷³ 'Me ka re, "Joale, qeto efe ea hae mohlang oo, Jesu o itse, 'Seo u se tlamang lefatšeng, Ke tla se tlama Leholidöng; seo u se lokollang lefatšeng, Ke tla se lokolla Leholidöng."

A re, "Ke tla lumela."

⁷⁴ Ka re, "Joale, ho Liketso khaolo ea 2 le temana ea 38, Petrose o boleletse batho bao ba hloletsoeng. Keha batho bana ba bua ka maleme a sa tsejoeng. 'Me ba 'motsa seo ba ka se etsang ho bolokeha, 'me o itse, 'Bakang, e mong le e mong oa lona, le kolobetsoe ka Lebitso la Jesu Kreste tšoareleng ea sebe, le tla nka neo ea Moea o Halalelang; hobane pallo ena e etselitsoe lona, le bana ba lona, le ho ba leng hole kaofela ha bona, bao Morena Molimo oa rōna a tlang ho ba bitsa.' Joale efela ha Molimo o sa bitsa, pallo eo e sa etselitsoe bona."

⁷⁵ Be, o kile a fihla koano e le setho sa sehlopha sa Billy Graham se rapellang kopano. 'Me sehlopha sa bona se ne se lutse kae-kae holimo mona California, liveke tse 'maloa tse fetileng, thapeleng e mahlonoko e tebileng, e khethetsoeng Molimo, ba itima lijo, eaba Moea o Halalelang o tšolohela holima sehlopha sohle 'me ba qala ba bua ka maleme a sa tsejoeng. 'Me . . . Uh-huh.

⁷⁶ Joale ke setho sa hoo—sa Friendly church, Assemblies of God koana Tucson, Arizona. O itse, "Oh, Moena Branham, ha ke nyolohela holimo mono ke utloa monate!" Ho re, "Ke phahamisa matsoho a ka feela, 'me," ho re, "khanya ea Molimo! Ke bina feela!" 'Me ka re, "Be nka sitoa ho etsa joalo kahara kereke ea New Testament Baptist."

Ka re, "Kea u bona ha u khone. Ke ka baka leo u tsoileng." Yaa.

⁷⁷ Ke moo he, ua bona, Molimo o boloka Lentsoe la Hae. Seo A se buang, O tla se etsa. Molimo o tlameha ho boloka Lentsoe la Hae.

⁷⁸ Joale mona rea fumana, hore, boetsisi bona ba Moabe ba nama. O bone moporofeta enoa mahareng a Israele, a khona ho hlohonolofatsa, ho rohaka, ho etella pele, le lintho tse joalo, eaba o leka ho e itakela eona, ka lipolotiki.

⁷⁹ Joale ke sona se hlahileng kahara likereke kajeno. Li lekile ho itakela tsamaiso ea mofuta oo. U ke ke ua khona.

⁸⁰ Moea o Halalelang o tlameha ho phela kahara Kereke, kamehla, o tsamaisa Kereke mongoaheng oo E phelang ho oona, ho thasisetsa Lentsoe le baletsoeng mongoaha oo. Molimo o buile Lentsoe, ho tloha qalong, le etselitsoe mongoaha *ona* hakana, le mongoaha *oane* hakana, le ho itseng bakeng sa mongoaha *eo*. Esale e etsahala joalo. 'Me, ua bona, 'me Moea o Halalelang o tsoanelia ho phela kahara Kereke, hore Kereke ena e tle e phelele letsatsi la Eona. E tlameha ho ba mona kajeno, ho thasisetsa tšebetso ea letsatsi la morao, lipontšo tsa letsatsi la morao, ho tšolloa ha Moea o Halalelang letsatsing la morao. E tlameha ho fihla mona ho etsa hoo, 'me u ke ke ua e sebetsa ka litsamaiso. Molimo o na le tsamaiso. Ke Èèna Eo Ea re neang Moea o Halalelang.

⁸¹ Joale, mona re elelloa Moshe a na le Morena, 'me Morena eo e le Molimo, o ne a mo tlotsitse. Le Balaame a le tlasa morena, Balake. E batla e le moralo oa sepolotiki, ua bona, Balake. Balaame, moporofeta oa Molimo, o ne a eletsoa ke Balake. Moshe èèna a eletsoa ke Molimo. Phapang e le eo.

⁸² Koana, e ne e le baporofeta ka bobeli, hoba ba bitsitsoe ke Molimo ba babeli; bobeli ba kopane le Molimo, bobeli ba buile le Molimo, bobeli ba tletsetse Moea. Joale ke kena lapeng, ua bona. Joale, bobeli e le banna ba tletseng Moea. Joale, hoo ho nèpahetse. Bibele e itse, "Eaba Molimo o kopana le Balaame oa buisana le èèna." Ua bona?

⁸³ Ka hona rea elelloa, e mong le e mong oa baporofeta bana, bobeli e le baporofeta, banna ba Molimo, ba sebelelitse hlooho tsa bona. Moshe o sebelitse Molimo. 'Me mona Balaame o ôtla Balake.

⁸⁴ Le elelloe mona, papisong ea moea le ea tlhaho, e ne e phethahetse hakakang. Moshe, o ronngoe ke Molimo, o kene temeng ea tšebetso, ebe moo a khahlanang le monna e mong oa Molimo. Na le ka nahana taba e joalo?

⁸⁵ Empa le shebe lihlophiso tsa bona holimo mono. E ne e le sechaba se hlophiloeng.

⁸⁶ 'Me Moshe o ne a eteletse sechaba sa Iseraele pele, nqa eo Molimo a ba laelang eona, ba etelloa pele ke Topallo ea Mollo, ba tataisoa ke Boleng bo mohlolo tseleng. 'Me Moshe a eletsoa ke—ke Logos, ehlile, e tsoileng ho Molimo, Topallo eo ea Mollo; eona e le Lengeloi la Selekan, e le Kreste, Motlotsuoa. 'Me molaetsa oa hae a o fumana Mono, ebe o o fetisetsa ho bana ba Iseraele, tseleng e eang lefatšeng la pallo.

⁸⁷ Empa monna enoa keha a ikahetse fatše, a theile 'muso oa hae. A theile likereke tsa hae. Thepa eohle ea hae e hlopholotse ka tšoanelo. Eaba o romela ho monna enoa, ho tla ka koano ho rohaka batho bana. 'Me le lemohe, na le ka nahana, moporofeta e mong, monna e mong oa Molimo o bona mesebetsi ea Molimo ka monna e mong, ebe o leka ho—ho phephetsa mesebetsi eo ea Molimo, athe o tsebile, o tlamehile a be a tsebile hantle. Joale Balaame, pele mohla... Balake o rometse ho eèna a re, "Nyolohela koana u rohake batho bana." Joale Balake o entse enoa ntho, kapa...

⁸⁸ Balaame, ke rialo, o sebelitse hantle, a batlana le Molimo. A batla Molimo, pele. Joale, o ne a tlamehile ho etsa joalo.

⁸⁹ Eaba Molimo o mo hlahisetsa phetheho ea Hae, karabo e iphotlileng, "U se ke ua tsamaea le eèna! Ba tlohele. U se ke ua rohaka batho bao. Ba hlohonolofetse." Joale, e tlamehile e be e lekane. Molimo ha o bolela taba, A ke ke a e fetola. Eleloang, thato ea Hae e phethehileng e be e le, "U se ke ua ea! U se ke ua futuhela batho bao. Ke batho ba Ka." E ne e le thato ea Hae e phethehileng.

⁹⁰ Empa Balaame o ne a sa rate batho bao, le ho qaleng. Ua bona, ke moo he. Re fumana bo-Balaame ba bakae kajeno? Ntho e tšoanang, ho a tšoana! Ba tseba hantle ho feta.

⁹¹ Ba ba fumane mehleng ea Morena Jesu oa rōna. Nikodema o tlide a re, "Rabbi, rea tseba U monna ea tsoang ho Molimo, kapa—kapa moruti ea tsoang ho Molimo. Ha ho motho ea ka etsang tseo U li etsang Molimo a se ho eèna." Ua bona, ba e tsebile. E ne e le Balaame hape, ua bona.

⁹² Joale, Balaame keha a sa rate batho bao. Eleloang lintlukhōlō tsa hae. Hoba ba romele banna ba khabane mono, ba reng ho eèna, "Joale ho tla fihla batho mona. 'Me ha ke utloisia thoe u moporofeta, u monna e moholo, nyoloha ke hona u rohake batho bana."

⁹³ Balaame o itse, "Joale, beang butle motsotsa, ke tla ea rapela, ke hlole bosiu, ekaba Morena o tla kopana le 'na A nkeletse." Ho lokile, letsatsi le hlahlamang, Morena a kopana le eèna a re, "U se ke ua ea! U se ke ua rohake batho bao. Ba hlohonolofalitsoe."

⁹⁴ Ho lokile, Balaame a khutla a re, "Be, ha ke khone ho ea, hobane Morena o nthibetse ho ea."

⁹⁵ Joale eleloang ha ba khutla, ba rerisana le lintlukhōlō, ho mo laela ho theohela mono ho khina tšebeletso ena eo ba e tšoereng, u a bona, be, eaba, ha fumanoa hobane, ebile lintlukhōlō li romela sete ea batho ba batlotlehi ba holingoana, ekaba libishopo, motho e mong, kapa molaoli oa selika, ha rongoa motho e mong tlase mono, “Mo boelle ho theohela mono ho khina ntho eo leha ho le joalo!” Ua bona?

⁹⁶ Elelloang, seholpha sa seriti se holingoana, ka lineo tse holingoana, chelete e betetšana, ha thoe, “Nka u nyollela maemong a holingoana. Nka u beha, sebakeng sa ho ba monna oa tloaelo feela, nka u phahamisetsa holingoana joale. Ke na le tokelo e joalo, kaha ke le morena oa motsamao o moholo ona. ‘Me nka—nka u etsa ka molemo, ha u ka e phethisa.”

⁹⁷ Elellooa, o foufalitsoe ke thendara e ncha. O tlamehile a be a tsebile; hore seo Molimo a se buileng, Molimo o tla se etsa. Empa ea mo foufatsa. ‘Me joaloka moporofeta oa Molimo, o ne a sa tlameha ho tšoatsoa ke seholpha sa mofuta oo. O tlamehile a be e tsoile seholpheng sa mofuta oo, le ho qala.

⁹⁸ ‘Me haeba mona ke bua le banna ba itseng ba Molimo! Ha ba leka ho u borella koana ntlukhōlō, ho thoe, “Matsatsi a mehlolo a fetile,” ‘me seo re se etsang mona, ‘me Morena Jesu a re hlohonolofatsa, “ke letomotomo la bohlanya, ke maikutlo a fehluoeng, pholiso ea Khalalelo ha e eo,” tsoa seholpheng seo, hona mono hantle. [Moena Branham o thannya monoana oa hae—Mong.] Tsoa ho eona, hobane Ke Lentsoe la Molimo le bonahatsoang. Ba re, “Matsatsi a boapostola ha a eo. Kolobetso ea Moea o Halalelang ha e eo. Ho bua ka lipuo, ha ho letho ho eona.”

⁹⁹ Oh, empa, moena, u se ke ua e mamela! Ba futsitseng Balaame ba bangata, kajeno, ba sekame ofising, ba bala Libuka tsena tsa Bibele ‘me ba E tseba e le ‘Nete. Empa ka baka la maemo, ha ba khone ho e emela. Hantle haholo. Elelloang, Molimo... O tsebile a sa tšoanelo ho ikamanya le seholpha sena, kapa Balaame o tlamehile a be a tsebile. Bona, ba fapoha thato ea Molimo. Mathaka ao a tla u menamena a u ntše thatong ea Molimo. Ha u fumane thato ea Molimo, u se lumelle mang ho e honyölla ho uena ka puo.

¹⁰⁰ Ke tsebile batho ba lokileng, ba etelang likopano, ba fola, ba ntoo khutla. ‘Me ba re, “Oh, be, ha ho letho mono. Le mpa le fuluehile feela. Ha ho letho ho eona.” ‘Me batho ba qala ba belaela. Ke bone batho ba fihla ba amohela Kreste pelöng tsa bona, ba khutle; mohlomong ba bue ka lipuo, ba khutle. Ebe kereke e re, “Khele, u a—u hlabisa Bokreste lihlong,” le lintho tse joalo. ‘Me, oh, khele, u se ke, u se ke ua etsa joalo, ua bona. Tsoa seholpheng seo! Sutha ho sona.

¹⁰¹ Elelloang, Balaame mona o qotsitse therō ea mafosisa, ho kokobetsa letsoalo la hae, ua bona. O itse, “Fale. Le ke le ntebalise bosiu bo bong, nka botsa Molimo, u a bona. Mohlomong O setse a fetola mohopolo oa Hae.”

¹⁰² Empa Molimo ha a fetole mohopolo oa Hae. Ha Molimo a re etsetsa tlahahiso ea kolobetso ea Moea o Halalelang, ka Letsatsi la Pentekosta, O tlamehile ho e baballa e lutse joalo. O e entse mongoaheng ohle oa Bibebe, ’me O tla e phethisa khetlo le latelang ha monna a itšetleha ka metheo eo A e hlahisitseng mono. Ha u ka tla, u lumela, u ntse u baka, ua kolobetsoa ka Lebitso la Jesu Kreste tšoarelong ea libe tsa hao, ’me u lumela Molimo, Molimo o tlameha ho tlatsa lengolo leo la kalafo, hantle, hobane Ke ngaka. ’Me O tla e phethisa ha u ka—ha u ka e mamela.

¹⁰³ Empa u se leke joale ua nka kalafo ena, ua e neeletsa ngakana-ka-hetla ea mofuta e—e ka tšohang e sotetsa nthoana ho eona. Le ka bolaeang mokuli. Lebaka leo re fumanang litho tsa kereke tse shoeleng li le ngata tjena kajeno, ba leka ho noesa kalafo e phoso. Molimo o tšoere kalafo hantle mona ka Bibeleng. Ke Eèna maobane, kajeno, le ka ho sa feleng. U tlameha ho fana ka moriana ka taelo ea Ngaka.

¹⁰⁴ Bibebe e boletse, “Na ha ho—ha ho setlolo Gileade; na ha ho ngaka teng?” Hobane, e teng. Ha thoe, “Hobaneng morali oa batho ba Ka a kene maemong ana?”

¹⁰⁵ Ua bona, re tšoere Bibebe. Re na le Ngaka. Ke, feela, ralihlare o fosa kalafo ea Lengolo. Ke eona taba. U ntse u leka ho re, “Matsatsi a mehlolo a fetile. Ha ho ntho e kang kolobetso ea Moea o Halalelang le lintho tsena tsohle. Ke bosoana.” Bibebe e nepile ka bottalo. Molimo ha o honyetse letho le A le buileng. ’Me ebe ba leka ho e koekoetla ka ho sebelisa tsela ea mafosisa, ntho e kang, “Be, re lumela seo.” Be, seo u se lumelang ha se etse taba!

¹⁰⁶ Ke seo Molimo a se buileng! O itse, “Ke tla tšela nama eohle ka Moea oa Ka.” O e tšepisitse matsatsing a qetelo.

¹⁰⁷ Ebe ba leka ho tlaleha likopano tsena, tseo le li bonang, ba mpitsa, “senohe, e—e—e senohe se maqiti, kapa e—kapa Belsebule, kapa liabolosi ea itseng.” Be, ba tlamehile ho rialo, hobane ke bana ba ntata bona. Ke sona seo a se buileng ka Jesu qalong. Athe hase röna ba etsang sena, le hona, ke Jesu eo, hoba esale Eèna maobane, kajeno, le ka ho sa feleng. Ke Moea oa Hae.

¹⁰⁸ Oh, ntho e ka fetang, e ka fetang moalotso ea ful—. . . ea feta thomo ea Hae mohoalotso. Batho ba bangata ba leka ho e feta mohoalotso. “Oh, tloo ingolise kerekeng, ’me ho tla itokela. Röna re kereke ea khale. Re qetile lilemo tse ngata mona. Re qalile . . .” E, ke hantle. Haeba ho le joalo, ekabe’ba kereke ea Roma e Katolike e tšoere ntho eohle; ke bona mekhatlo ea ho

qala. Ba qalile pele. Empa, le hopole, hase Kereke ea pele. Ke mokhatlo oa pele, 'me ke 'ma o mong le o mong. Etsoe, o mong le o mong o khahlano le Molimo. Tšenolo 17 e rialo, ua bona. E, re matsatsing a bofelo. Joale, le hopole, Molimo o tla le lumella, leha ho le joalo, ua bona, joale.

'Me eaba Balaame, o a nahana, "Be?"

¹⁰⁹ Eaba Molimo o a 'molella, "Tsoelapele." Hobaneng? Molimo o tsebile se pelōng ea hae. Molimo o tsebile seo se ka pelōng ea hae le ho qaleng, eaba O mo laela ho, "Tsoelapele." O tla e lumella. O tla u lumella ho e etsa. O tla u hlohonolofatsa, hangata, ha u e etsa.

¹¹⁰ O ile a hlohonolofatsa Iseraele esita le ka morao... Mohau o se o ba file moporofeta, Topallo ea Mollo, tokollo, lipontšo le meeka, ba ntšoa Egepeta, le ntho eohle, leha ho le joalo ba batlile molao. Molimo oa ba lumella ona, empa A ba rohaka ka linako tsohle.

¹¹¹ O lumeletse Balaame ho itsamaela kamoo a tšoanetseng, empa a etsang? A theohela mono 'me, sebakeng sa ho rohaka batho, o ne a tlamehile ho hlohonolofatsa batho. A ke ke a rohaka seo Molimo a se hlohonolofalitseng.

¹¹² 'Me ke—ke itse ho lona, ke tla khaotsa ka hora ea robong. 'Me ile ka sheba holimo, 'me joale ke nako, 'me ke sa tšoere buka e tletseng lintlha mona.

¹¹³ Empa ke batla ho bua sena, ho koaleng, hore Molimo ha a eso fetole mohopolo oa Hae le ka mohla. Thato ea Hae e otlolohileng e le hore Balaame a se ke a ea. 'Me ha Molimo a etsa tlahiso, e tlameha ho lula e nēpahetse ka mehla.

¹¹⁴ Joale, Bibele e itse, "Jesu Kreste ke eèna maobane, kajeno, le ka ho sa feleng." Joale, ha e bolele "ka mokhoa o itseng." E bolela hore esale Eèna maobane, kajeno, le ka ho sa feleng! Jesu o boletse, ho Mohalaleli Johanne 14:12, "Ea lumelang ho 'Na, mesebetsi eo Ke e etsang o tla e etsa le eèna." Ho joalo na? [Phutheho e re, "Amen."—Mong.] O tsepisitse, ho Mareka 16, "Mehlolo ena e tla tsamaea le ba lumelang."

Ba re, "Be, e beetsoe baapostola ba le bang."

¹¹⁵ O itse, "E-eang ka lefatše lohle le bolelle babopuoa bohle Evangelii. Mehlolo ena e tla tsamaea le bona, lefatšeng lohle, le ho bapopuoa bohle. Ka Lebitso la Ka ba tla leleka batemonia. Ba tla bua lipuo tse ncha. Ha ba tšoara linoha, kapa ba enoa lintho tse bolaeang, li ke ke tsa ba ntša kotsi. Ha ba bea matsoho holima bakuli, ba tla fola." Joale, ke sona seo A se pasisitseng.

¹¹⁶ Ua bona, re leka ho pasisa ntho e sele. Re leka ho etsa, ho pasisa seo re re nahanang ka Lentsoe la Molimo ka kereke. Ha rea tšoanelo ho pasa ka kereke. Re tlameha ho pasa ho Molimo.

¹¹⁷ Esale ke itse, ena ke nako e khōlō ea ho tšoantšisa. U ferefā litepisi tsa hao bofubelu, sheba moahisane oa hao o ferefā sa hae bofubelu. Lona basali ha le roala katiba ea mofuta, kerekeng, basali ba bang ba se ba e phamola.

¹¹⁸ Mof. Jacqueline Kennedy o ikuta mokuto ona oa water-head, 'me le shebe basali bohle. O ne a apara liaporone tse 'mala oa lehlabathe, kapa lintho tse kang tseo, ke manyala ho mosali ho kena seterateng, ka lintho tse tasolohileng hakaalo. Shebang ha basali bohle ba etsa hoo. Ke boetsitsi, empa ke ka 'nqa ea lefatše. Batho ba kereke ba e thonakile, 'me ke lihlong ho bona ho e etsa. Ke phoso ho bona ho e etsa, ke tlotollo. 'Me ha re e bona e khasetsa kahara Pentekosta, e tlotlolla le ho feta. Ke hantle. Empa, u a bona, kereke e a e mamella e lumella ho feta mohoalotso.

¹¹⁹ Joale, ha re tsotelle. Ha ke eso tsotelle haeba baki ea ka e nyallana le marikhoe a ka, kapa haeba tae ea ka e nyallana le baki ea ka. Ke batla ha boiphihlelo ba ka bo nyallna le Bibebe ea Molimo le tlhoko ea Hae. 'Me rōna batho ba pentekosta re tlameha ho etsa joalo, ho bapisa boiphihlelo ba rōna le ba bona ba mohlang oo, hoba Ke Jesu ea tšoanang, Moea o Halalelang o tšoanang, matla a tšoanang. Kajeno O a phela, 'me O phela hara rōna.

¹²⁰ E batla e nkhopotsa mohla 'mè oa Hae a tlohileng Jerusalema, ba tsoa rapela, le ntate ea mo holisitseng, Josefa. 'Me ba tsamaile leeto la matsatsi a mararō, ba Mo hakanya a e-na le bona, ba ntoo Mo fihlela a le sieo.

¹²¹ 'Me, u a tseba, ke batla ho bapisa kajeno. U a tseba, kereke e tsamaile leeto la matsatsi a mararō. Luther, Wesley, pentekosta; leeto la khato tse tharō. Molimo o tla ba fa molaetsa, tokafatso, Luther, o ile a e tsitlallela; ha ntano latela khalaletso ka Wesley; e ntano ba kolobetso ea Moea o Halalelang, ka pentekosta. 'Me kea ipotsa ha rea tšoaroa ke sethoathoa sa mofuta nqa e 'ngoe, sa ho haha lintho tsa litonana le ho etsa lintho tse khōlō, ho tšoantšisa kellelo ea Balaame; mekhatlo e meholo, ho—ho hlolisa o mong, le ona ho feta, ho aba limetale tsa gauta le linaleli tsa sekolo sa Sontaha le ea ka kenyang litho tse ngata ho feta, 'me ho kenngoa nyee efe le efe kahara kereke.

¹²² Kea le borella, Kereke e 'ngoe feela e sa kenyang moikaketsi, ke Kereke ea Morena Jesu Kreste, e kolobelitsoeng ka Moea o Halalelang. Ha u qophelloe kahare ka Mono. U tsoalloa kahare ka Mono. U romeloa kahare ka mono ke Moea o Halalelang.

¹²³ Ba ile ba fumana. Batsoali ba Mo fumane a se hara bona.

¹²⁴ Joale horeng ena, ke mohla tlokotsi khōlō, rea tseba sechaba sena sea reketla. Ha se sechaba feela, empa lefatše

lea reketla. Ke nako ea bofelo. Ha ho letho leo ke le tsebang le tlameha ho etsahala haese Hloibilo, ho Khutla ha Morena Jesu Kreste. E malala-a-laotsoe.

¹²⁵ 'Me re bona likhobokano tsena. Oh, ako ikekets'e molemo, sebokeng sena se tla latela, aka fole molemo u ka o folang ho sona, se e leng sa Molimo. Ha u eso amohele Moea o Halalelang, hopola kelellong ea hao u re uke ke ua tsamaea pele u O fumane. E sebetsoa joalo. Lula mono, hobane uena... ntho ena, ekaba monyetla oa hao oa ho qetela. Ho ka tsoha ho sa hhole ho tšoaroa seboka se seng Lebopong la Bophirima mona. Mohlomong le tla be le hohlometse botebong ba leoatle, mohlang oo, le pele se seng se tšoaroa. Ha re tsebe se ka hlhang, ka hona re... Re lebeletse likahlolo tsa Molimo ho tšolleloa holima lichaba.

¹²⁶ Joale nka bua sena. Ba Mo hopotse a le teng. Empa ba fumana, nakong ea tlokotsi, A le sieo. Ua bona, A se ho bona.

¹²⁷ Joale rea fumana, mohla ho hlahileng nthohali ena, re iphihlela re haelloa ke ntho kahara likereke tsa rōna, eona ke matla a Kreste.

¹²⁸ Joale, shebang, ha ke batle ho nyatsa. Kea le rata, 'me lerato la makoma, la makhonthe, ke tokiso kamehla. Joale re haelloa ke Kreste kahara kereke ea rōna. Re haelloa ke Kreste hara batho ba rōna ba Pentekosta, moena oa rōna le likhaiseli. Phoso e teng. Litšebeletso tsa bona tsa sekhaleng tsa thapelo, tsa letšeheare lohle le bosiu, ha ba sa li tšoara. Basali ba rōna ba ne ba tloaetse ho holisa meriri; ha ba sa etsa joalo. E ne e ka ba sekho ho mosali ho feref'a le ho sebelisa feref'a, morao matsatsing a qalang, ho itšoara joaloka basali bana. Phoso e hlahile. Phoso ha e ho Kreste, ua bona, empa phoso e hlahile. Ntho e teng nqa e 'ngoe. Pulepiti, e ne e tloaetse, e sa lumelle tse joalo, empa joale e a khona. Ua bona, ke mohla tlokotsi, 'me re haelloa ke ho hong.

¹²⁹ Re haelloa ke matla ao re tlamehang ho a fumana, mochini o moholo o tlamehile o be o matha, ka lipontšo tse khōlō le meeka. Be, moaho ona o tlamehile o be o phophoma matla a Molimo hakana, joale, hofihlela baetsalibe ba sa khone ho lula ka mona; Moea o Halalelang o e ahlola, hantle ka potlako joalo, joaloka Ananiase le Safira. 'Me re haelloa ke ho hong.

¹³⁰ Joale ho etsahetseng? Ba tloha ho ea Mo batla, bathong ba habo bona, 'me ha ba Mo fumana bathong ba habo bona. Ebe ba Mo fumane kae? Hantle morao moo ba Mo siileng.

¹³¹ 'Me kea nahana, mohla kereke ea rōna e hlahafetseng hakana ka mokhatlo, e 'ngoe e tlameha ho hlolis a 'ngoe, e loketse ho haha likereke tse kholoanyane, le ho fumana sehlopha sa batho ba holingoana, le batho ba apereng hantle, le libini tse khabane ho feta, le ho ema mono le...

¹³² Ke rata 'mino o monate. Ke rata 'mino oa mehla-ea-khale oa pentekosta. Feela ha ke khone ho mamella nyee eo ea maiketsetso, ehlile ha e lumellane le 'na; ho hula moea hofihlela sefahleho sa hao se le boputsoa ba leholimō, ho utluoa feela. Ke—ke ho bina ho tsoa pelōng ea hao, ka Moea oa Molimo, joalokaha ke utloile mona nakoana e fetileng. Ua bona?

¹³³ Ke rata litlatse tsa mehla-ea-khale, empa kea kholoa litlatse li ka hlajoa 'mino o tsoeletse kapa che. Moea oa Molimo holima batho, O theola mahlohonolo le matla a Molimo. Kea lumela motho a ka paka, a bina a rorisa Molimo, mosebetsing oa hae, hohle moo ba leng teng. Ka nèpo.

¹³⁴ 'Me joale re haelloa ke ho hong. Ebe re tla Mo fumana kae? Hantle hona moo re Mo siileng, kahara Lentsoe.

Ha re rapeleng.

¹³⁵ Ntate ea Ratehang ea Maholimōng, bo bong ba masiu ana re tla koala Bibele ena khetlo la ho qetela, ho binoe sefela sa ho qetela, ho reroe thero ea ho qetela, ho mengoe mola oa ho qetela oa thapelo, moetsalibe oa ho qetela a kene kahare. Ebe ho etsahalang? Oho Molimo o ratehang, ha re batle thato ea Hao ea tumello, Ntate. Re ke re tsamaee ka thato ea Hao e phethehileng. Re se ke ra nka Lentsoe feela—feelaa mona le mane, ho Le nyalanya le tšomo kapa tumeloana, kapa ho hong. Re nke Lentsoe ka seemo sa Lona, ho lumela Evangelie tletseng, sohle seo Jesu a re rutileng ho se etsa. Ha re lumela liketso tsa baapostola e le moralo feela. Rea lumela hore Ke Lentsoe la Molimo, Ke liketso tsa Moea oa Hao o Halalelang kahara baapostola. 'Me re lumela hobane ona Moea o Halalelang, Morena, o theohetseng holima bona, le boitšoaro ba oona, O tla sebetsa ka ho rōna ka ho tšoana, ha O fihla holima rōna, haeba e le Moea o le mong.

¹³⁶ Ka hona kea rapela, Molimo o ratehang, seboka sena seo re le mathuleng a ho se qala, hosane bosiu. Kea rapela, Ntate ea Lehelimōng, e tle e be seboka se seholohali sa motse ona le ka mohla, ka baka la Boteng ba Hao. Hlohonolofatsa sebui ka seng, oho Molimo, se ke se thoathoaretse hakana—hakana, ho fihlela khalefo ea Molimo e khabola e tsoa sefaleng. Baetsalibe ba thothomele, ba reketle. A Boteng ba Jesu Kreste bo fihlele batho ka bonnete, hoo ba ka koalang mahlo feela ba Mo bona a tsamaea hara bona. Aba sena, Morena.

¹³⁷ Joale, bosius bona, pejana seo re se rapellang se etsahala... Molimo o Ratehang, bana ba Hao ba bang ba kula. Ba lemetse, 'me—'me ba bohloko. Ke ttile ho ba rapella. Na U tla hlompha seo ke U qelang sona, bosius bona, Morena, bakeng sa maloetse a bona? Ke tšepeile, ho Uena, ha tšebeletso ena e koalao ho se be le motho ea tšeremang ka mohahong ona.

¹³⁸ Bahlanka ba Hao ba tletse ka mona, ba lutse kantle mono, ba hoeletsa, ba phahamisa matsoho a bona, le morao mona

holima kalana, ba re “amen” Lentsoeng. Ntate, re batho ba itlammeng ngata e le ’ngoe. Re tsoile lefatšeng, maemong a batang ao a tsitsipaneng, ’me re tsoetsoe ke Moea. Rea phela, bosiung bona. ’Me O itse, kahobane O phela, le rōna re phela ke hona. ’Me rea t̄sepa, Morena, le ho lūmela ka pelō ea rōna eohle, ho latela Lentsoe, hore re emetsoe ka ho Uena.

¹³⁹ Joale ako nèpahatse Mantsoe a Hao, bosiung bona, ho folisa bakuli, ke sa ba rapella, leha bana ba bang ba rapela. Aba sena, Morena, ho be joalo. ’Me re tla U rorisetsa hona. Re e kopa ka Lebitso la Jesu. Amen.

¹⁴⁰ Joale...[Motho o qala a bua ka leleme le sele. Sekheo leabanteng—Mong.] Kea Ü leboha, Ntate Molimo.

¹⁴¹ Re e utloa, joaloka khetlo le leng Bibeleng, mohla ba tjamelaneng le tlakotsi, eaba Moea oa Morena o theohela holima monna ’me A mo borella mokhoa oa ho hlola sera, ho leba kae. Mamela ntho Eo. Ako itokise. Ua bona, Moea oa Bophelo ka ho lona, o u lokisa nqa Lentsoe. Ua bona, haeba Lentsoe le phela ka ho uena, Le Iphelela hantle ka Lentsoe.

¹⁴² Joale, maobane bosiu ke siiloe ke nako. Joale, le batho ba lokileng haholo, ke mpa feela...Ekare, ha ke qala ke tsofala, ekare nka—nka—nka khona feela...Ke tla ba le lona kamehla, Lefatšeng le leng.

¹⁴³ Ka hona joale re tlil'o rapella bakuli, joale ha ke eo leka ho tlisa ba bangata ka khetlo le le leng, joalokaha ke entse maobane bosiu. ’Me joale, Billy Paul o ntšitse sehlopha sa litlankana tsa thapelo, kea kholoa lekholo la tsona. Na u ntšitse lekholo, kapa a mabeli? Makholo a mabeli. E ne e le bomang? C.

¹⁴⁴ Ke mang ea t̄soereng C, palo ea ’ngoe? Phahamisa letsoho la hao, ha re boneng haeba e nepahetse, joale. Setlankana sa thapelo, sheba setlankana sa hao sa thapelo, se ngotsoe palo le e—le tlhaku holima sona. C, palo ea ’ngoe, phahamisa letsoho la hao. Holimo koana. Ho lokile, theohela mona. Palo ea peli, tharō, ’ne, hlano. Joale, ’me, lona, motho a mong a tle koana a ba t̄soare. Joale re batla setlankana se seng le se seng sa thapelo, empa re ba batla ba fotse mola ka nqa ena. ’Ngoe, peli, tharō, ’ne, hlano. Ke bona ba bararō ba bona. ’Me setlankana sa hao sa thapelo, monghali? ’Ne. Na e mong o teng? Hlano, na ke eèna motho eo ea tlang? ’Ngoe, peli, tharō, ’ne, hlano. C, palo ea ’ngoe, peli, tharō, ’ne, hlano. Ho lokile, joale tloong kamoo le bitsoang, ka palo ea hao.

¹⁴⁵ Ka hona, maobane bosiu, ke ba bone tlase mono, batho ba hatellane. Ha re batle ntho eo. Ena ke kereke, lea tseba, hase arena. Ka hona, re—re, le tlameha ho boloka taolo.

¹⁴⁶ ’Ngoe, peli, tharō, ’ne, hlano, t̄selela, supa, robeli, robong, leshome. Joale le ba emise ha ba ntse ba ea morao. Joale,

setlanka sa palo ea tšeleta, supa, robeli, robong, leshome. 'Me motho o tla phahamisa letsoho la hae haeba ba fumane... haeba ba fotse hantle mono. 'Me re tlil'o ba rapella.

¹⁴⁷ Ba bakae ba tla lumellana le 'na ba re Morena Jesu o tlil'o etsa mosebetsi o moholo? Ke tla etsa sohle seo nka se khonang. Joale tšeleta, supa; tšeleta, supa, robeli, robong, leshome, leshome-nngoe, leshome-peli, leshome-tharō, leshome-nne, leshome-hlano.

¹⁴⁸ Joale tloong feels, bohole ba tle ba se hatellane hang, lea tseba, le ka mathoko. Le filoe lipalo ka morero oo, ho baballa taolo, lea tseba. Ho baballa hore ho se be le... Hape ha palo ea hao e bitsoa, be, tloo lekhatheng leo. Ho lokile, 'me joale re batla ho...

¹⁴⁹ Jaole ke batla bohole, mang le mang, a apare hlompho ea ruri joale. 'Me re tlil'o rapela joale nka re nako e ka etsang, hofihlela re rapeletse batho bana. 'Me ha re tsebe seo Morena a ka se etsang. Ha re tsebe seo A tla se etsa. Empa re Mo lebeletse ho etsa lintho tse khōlō.

¹⁵⁰ Joale, kea lumela, leshome-hlano, na ke fumane ba ba kaalo mono le joale? Billy Paul, u hokae na? Ho lokile. Leshome-hlano, leshome-tšeleta, leshome-supā, leshome-robeli, leshome robong, mashome a mabeli.

¹⁵¹ Joale, ua bona, ba hatellana. Joale ke tla tlameha, mohlolomong, koana moena e mong, ha ba fihla ntlheng ea mola, a ka bitsa lipalo tse latelang, ua bona, re tle re se tlamehe ho ema kaofela, ho ema halelele mono ha re ntse re rapella bao—bao batho ba—ba kulang. Ho lokile. Joale re tla—re tla... Ke batla—batla hore le...

¹⁵² Ke batla ho qoqa le lona ba sa hlophisa batho bao hore ba se hatellane.

¹⁵³ Joale, ho se be ea tlang ha palo tsa lona—tsa lona li sa bitsoa. Re bitsitse ho fihla ho leshome-hlano, kea kholoa, kapa mashome a mabeli, kae-kae mono, nka re hofihlela ho mashome a mabeli, re ntano khefutsa. 'Me ho tla lekana mono hona joale, sohle se leng teng holimo mono.

¹⁵⁴ 'Me joale litlankana li kae mono? Phahamisang matsoho a lona. 'Me ba sa tšoarang litlankana ba bakae? Phahamisang matsoho a lona.

¹⁵⁵ Joale, hopolang, ha u tlameha ho ba le setlankana sa thapelo. Re se re qetile masiu a mabeli mona, 'me bosiu bo bong le bo bong Moea o Halalelang o tsamaile holima letšoele oa folisa batho, ha ho tsottelehe litlankana tsa thapelo. Ho joalo na? Setlankana sa thapelo se le etsetsa ho le hong feels, ho le thusa ho kena moleng. Ke hantle. Empa u na le tumelo, 'me u shebe ha Moea o Halalelang o tloha kalaneng, hantle mona, 'me o kena hantle hara letšoele mono. Ba e tsebang e le 'nete ba bakae? [Phutheho e re, "Amen."—Mong.]

¹⁵⁶ Joale, ke—ke lumela, ke lumela ke tiile, hola kereke e 'ngoe e le teng kantle ho kereke ea Pentekosta, eo nka—ke ne ke tla e tsamaea ke e lumele, nka be ke e kena, hola ke hopotse ho ena le ntho e fetisang. 'Me ha le nkutloa ke bua taba ka mekhatlo, le ka lintho tse kang tseo, ha ke khahlano le batho. Ke kahobane...

¹⁵⁷ U ka reng ha u bona monna eo u mo ratang, a sesisa seketoana a tobile liphororo, 'me u tseba seketoana se tla teba ka eëna, ebe u re, "Be, kea mo rata, empamekhoa ea hae—hae e fapane"? Che, ntho nke ke ka etsa joalo. Ha se 'na eo. Ke tla hooeletsa, ke mathe ke mo phamole, ke mo tsukutle, ke mo hlokohle, e ka bang eng, ho mo inola ka mono, ua bona.

¹⁵⁸ Ke tseba ntho eo e sa tl'o sesisa holima liphororo. Ke hantle. E tlamehile ho khutlela ho Kreste, ka ho tiea ruri. E tlamehile ho khutlela ho—ho Molimo. Joale ke—ke...

¹⁵⁹ Mang le mang ka mona o kile a etela likopano tsa ka, ho joalo na? Phahamisang matsoho a lona haeba le kile la etela likopano. Ho lokile. Ha ho letho la...

¹⁶⁰ Ba teng ba tlileng bocha ba eso etele e 'ngoe ea likopano tsa ka pele? Phahamisa matsoho a hao. Be, ebe u...ha ke eso...Na lena ke khetlo la pele le kenela e 'ngoe ea likopano tsa ka? Phahamisang matsoho a lona hape. Be, kea—kea—kea le bolella, ke...

¹⁶¹ Mohlomong nka fetola ntho ena. [Moena e mong o re, "Ak'u hhalose tšebetso ea hao nakoana."—Mong.] Be, ke—ke mpe ke etse joalo.

¹⁶² Lona, ho lona batho ba sa tsoa kena, ke—ke tlil'o...E tla nkuka nakoana feela, metsotso e 'maloa hape. E reng ke e hhalose, hobane le tla tsamaea ka tšekamelo e phoso, ua bona.

¹⁶³ Ke lumela khato e 'ngoe le e 'ngoe ea Molimo. Empa ke lumela Bibele e re tšepisa, matsatsing a qetelo, ho tla fihla, hape, Kereke e tlameha ho boela malulong a eona a pele, ao Jesu a e siliheng ho ona mohla e ne e tsamaea. Ua bona, ke Monyaluo, e tlameha ho khutlela malulong ao. Joale, re fetile mesebetsi e meholo ea Molimo, re fetile tokafatso, khalaletso, kolobetsi ea Moea o Halalelang, khutlisetso ea lineo. Empa ha re sala lesika la Abrahama morao...

¹⁶⁴ Joale, ha kea ruteha, ka hona ke tlameha ho etsisa Johanne Mokolobetsi. Le eëna, o ne a sa ruteha. O ne a kene lefeelleng, a batlike ho ba lilemo tse robong, a sa rupelloa thuto. Ka hona lithero tsa hae li batla li ipapisa le tlhaho haholo, "Oho lona malinyane a marabe." Ua bona, ke selo se sebehali seo a kileng a se bona, se nyekenyehang, eaba o bitsa baprista bao "linoha." O itse, "Lona malinyane a marabe, le tšositsoe ke mang ho balehela bohale bo tlhang? Le se ke la re ka ho lona, 'Re tšoere sena, re litho tsa sena.' Molimo a khona le

ka majoe ana,” ke seo a se boneng lebopong la noka, “ho tsoetsa Abrahama bana. Hape, ebole, selepe,” o se sebelisitse lefeelleng, “se beiloe motsong oa sefate. ’Me sefate ka seng se sa beheng tholoana e monate, sea rengoa.” Mofuta oo o a chesoa, o etsoa patsi ea libeso, lea bona. Haele lifate tse molemo... O—o mpa a hlophisa lithero tsa hae joalo.

¹⁶⁵ Ka hona, lebakeng lena, ke batla ho—ho bolela tjena. Re qetellong ea nako, nako ea kotulo.

¹⁶⁶ Joale, leetong la Abrahama, o kopane le Molimo ka litšobotsi tse fapaneng, le ka lintho tse joalo, tseo re ka li qotsang ra li supa. Feela, rōna re Peō ea Abrahama, haeba re le ka ho Kreste. ’Me ehlile mora oa hae—hae e monyenyan e ne e le Isaaka; e ne e le mora oa hae, ka tsoalo ea bong. Empa, ka moea, Kreste e ne e le Peō ea Abrahama, Peō ea hae ea borena, tumelo ea hae.

¹⁶⁷ Joale re fumana Peō ea hae ea borena, e tsamaea leeto le tšoanang, eona eo, Monyaluoaa o Kreste o tsamaea lona leeto leo Abrahama a le tsamaileng. ’Me pontšo ea ho qetela eo Abrahama a e boneng, pele mora oa tšepiso a fihla, ke mohla Molimo o ne o bonahatsoa ka nama ea motho, eaba Mangeloi a mabeli a theoha.

¹⁶⁸ Jesu o boletse, Mohalaleli Luka, khaolo ea 17 le temana ea 30, ho re, “Joaloka matsatsing a Nohe.” O buile ka nako ea Nohe. Le ho re, “Joaloka matsatsing a Sodoma,” ua bona, ho Khutla ha Hae, “ho tla ba joalo mohla Mora motho a senoloang.” Joale, le ka mohla ha A re mohla “Mora Molimo” a senoloang. “Mora motho!”

¹⁶⁹ Joale, Jesu o tlie ka mabitso a mararō. Mora motho, e leng moporofeta; Mora Molimo, ea haotseng le mongoaha oa Kereke; e ntso ba Mora Davida. Empa lipakeng tsa Mora Molimo le Mora Davida, ho latela Lentsoe la Hae ka Sebele, le ho latela Malakia 4 le Mangolo a mangata, O tlameha ho khutlela kahara Kereke ea Hae, ka sebopoho sa ’mele, kahara batho, ka e...kahara libopua batho, ka mokhoa oa ho ba moporofeta. Ua bona?

¹⁷⁰ Le shebe seo Monna enoa a se entseng mohla A ttileng ho bona Abrahama. Sa pele, O boleletse Abrahama ka phetolo ea lebitso la hae, kaha A sa ’mitsa Abrame, O mo bitsitse Abrahama. Hoba A etse, khele, re fumana hoba—hoba A itse, “O kae mohatsa’o, Sara?” S-a-r-a; e seng S-a-r-a-i.

¹⁷¹ “Khele,” a re, “o ka tenteng ka mora Hao.”

¹⁷² Joale o itse, o ne a le mashome a robong le Abrahama a le lekholo, ’me O itse, “Joale Ke tla u etela ho latela tšepiso, nako ea bophelo.”

¹⁷³ Eaba Sara ka hare, o a Mo utloa, a utloella ka lerako la tente, a tšeheha kahare ho eëna. ’Me Lengeloi, Monna ea lutseng mono, a re, a lemoha moea oa hae ka motše, ka mora Hae, ha thoe, “Sara o tšehele keng, a bua ka lintho tsee?”

¹⁷⁴ Be, ba ntano bitsa Sara, eaba o a latola. A re, “Empa o entse joalo.” O ne a tšohile.

¹⁷⁵ Joale Jesu o itse, pejana Mora Molimo a Khutla, kapa Mora oa... ho Khutla labobel, ke mongoaha ona oo re o phelang...

¹⁷⁶ O tla joaloka Mora motho, moporofeta, hoba taba eo e tlatsa Lengolo. Moshe o itse, “Morena Molimo oa lona o tla le hlahisetsa moporofeta ea joaleka ’na.” Bohle re tseba e ne e le Jesu. Ha ke re? [Phuthetho e re, “Amen.”—Mong.] O ne a tlamehe ho tla ho latela Lengolo, moporofeta. Ha a ka a Ipitsa Mora Molimo; O Ipitsitse Mora motho.

¹⁷⁷ Empa joale Eèna, mehleng ea mongoaha oa Kereke joale, esale E le Mora Molimo. Lilemong tse Sekete E tla ba Mora Davida, a lutse teroneng ea Davida. Empa lipakeng tsa nako ena, rea fumana ka Mangolo, O tla boela a Itšenola e le Mora motho, moporofeta.

¹⁷⁸ Hoba, Lentsoe la Morena le tlela baporofeta ba inotsi, le ka mohla ha le tlele moithuti oa thutabomolimo. Le tlela baporofeta. Le Morena o boletse A sa etse letho, ka Lentsoe la Hae le sa fetoheng leo re buileng ka lona, pele A bontša baporofeta ba Hae. ’Me nakong ea qetelo, litiiso tse supileng tseo Bibele ena e li tiisitseng, liphiri tsohle tsa Kreste tse menahaneng hasupa, li tlameha ho senoloa pele, ’me e ka tlisoa ho moporofeta feela. Esale re shebeletse hoo, lilemo, ’me re lumela Moea oa Hae o hara rōna joale, re fumana ho le joalo.

¹⁷⁹ Joale le shebe mohla Jesu a neng a fihla, le shebe seo A se entseng ho Ipaka e le Messia eo, Motlotsuoa Eo. Ka tsatsi le leng, hoba A fumane... Ntate o ne a theohile a aha ka ho Eèna, ka sebopeho sa leeba le theohang Leholimōng, le ntse le re, “Enoa ke Mora oa Ka ea ratoang, eo Ke khahlisoang ke ho lula ho Eèna.”

¹⁸⁰ Ka baka leo O itse, “Na le Ntate oa Ka re Bang. Ntate oa Ka o ahile ka ho ’Na. Ha se ’Na ea etsang mesebetsi; ke Ntate oa Ka ea ahileng ka ho ’Na.”

¹⁸¹ Johanne o pakile, o bone Moea oa Molimo, eka leeba, o theoha. Eaba Lentsoe le tsoa ho Oona, le ntse le re, “Enoa ke Mora oa Ka eo Ke khahlisoang ke ho lula ho Eèna.” Ua bona, ’me O ile a lula ka ho Eèna.

¹⁸² Joale shebe mohla tšebetso ea Hae e qalang, joale A tlameha ho etsa joaloka Mora motho joale. Joale shebang seo A se entseng. Monna ea bitsoang Simone Petrose o nyolohile. Lebitso la hae e le Simone mohlang oo, hamorao a bitsoa Petrose. Esale Andreatse a etela likopano tsa Johanne; eitseha ha Jesu a fihla, hoba Johanne a Mo tsebahatse, o ile a ’Mona. Eaba Andreatse o kopa moena oa hae, Simone, ho tla kopanong le eèna.

¹⁸³ ’Me a boleletsoe ke ntata bona, kamoo ho itsoeng, “Nako e tla fihla, pejana Messia oa makhonthe a fihla, ho tla hlaha bo-Messia ba bangata ba bohata.” Ho joalo kamehla. A re,

“Empa, bara, le hopole, Messia oa makhonthe, le tla Mo tseba hobane O tla ipapisa le Lengolo. E tla ba moporofeta. Joale, re hlokile moporofeta makholo le makholo le makholo a lilemo, ho qala ka Malakia. Empa batho ba bangata ba tla fihla ba ntse ba ipolelisa, etsoe rea tseba ho kile ha—ho kile ha hlaha Jesu eaba o sheshena sehlopha, le lintho tse joalo. Empa Messia oa makhonthe e tla ba moporofeta.” Etsoe Baheberu bohle ba rutoa ho lumela seo baporofeta ba se buang e le ’nete.

¹⁸⁴ [Sekheo lebanteng—Mong.] Hantle hona mono ralihlapi ea sa balang eo, ha re bolelloa thuto ea hae sa lekana le ho ngola lebitso la hae, Bibele e mo tlalehile a sa “bala a sa ruteha,” o lemo hoba eo ke Mora oa Molimo. O lemo hoba eo ke Messia, hoba eo e be e le moporofeta. Hoba e le Eèna Ea ’moleletseng lebitso la hae, a ’molella le lebitso la ntatae. A tseba ke hona e tlamehile e be e le moporofeta, kaha Monna eo a ne a sa mo tsebe. Eaba o fuoa linotlolo tsa ’Muso.

¹⁸⁵ ’Me re fumana ba bang ba eme mono ba mametse, le e mong ea bitsoang Filipi, ea kileng a...ba kile ba hlahluba Bibele le motoalle, a bitsoa Nathanaele, o ne a shebeletse Messia. Eaba o matha a potela ka thaba, leeto le kaa ka la letsatsi, a ntso khutla. Eaba o fumana Nathanaele koo tlasa e—e sefate sa feiga, ka thapelo—thapeleng. Eaba o re, “Tloo, bone Eo re mo fumaneng, Jesu oa Nazaretha mora Josefa.” Ka baka leo Nathanaele ka ho ba...kapa Filipi kapa...

¹⁸⁶ Nathanaele, ke rialo, kaha e le monna ea lokileng, o itse, “Joale, na ntho e molemo e ka tsoa Nazaretha?”

A re, “Be,” a re, “tloo feela ’me u bone.”

¹⁸⁷ Joale, ke keletso e molemo eo. Tloo, u iponele. Se lule hae ua nyatsa. Tloo, u iphumanele. “Batlisang Mangolo, hoba ho oona le nahana le na le Bophelo Bosafeleng.” Jesu o itse, “Athe ke Oona a Mpakang.”

¹⁸⁸ Tseleng e khutlang, ntle le pelaelo, eaba ba ntse ba qoqa. A mo bolella, ho re, “U tseba ralihlapi eo oa khale ea sitiloeng ho tekenela resiti eo ea lihlapi mohlang oo? A mo bolella. Ua tseba ntatae o kile a fihla holimo kerekeng, a bitsoa Jonase. U sa hopola? Eaba, O—O—O boletse hore na e ne e le mang.”

“Oh, ke tla tlameha ho e bona.”

¹⁸⁹ Eitseha a nyoloha, mohlomong a fotse mola oa thapelo, a fihla pela Jesu. Ha ke tsebe. A fihla ka pela Sefahleho sa Jesu. Jesu a mo sheba, a re, “Bonang Moiseraele, eo ho seng mano ho eèna!”

¹⁹⁰ Joale, le ho qala, u re, “Ebe O mo tsebile kang hoba ke Moiseraele? Be, ka baka la moaparo oa hae?” Che, che.

¹⁹¹ Batho bohle ba Bochabatsatsi ba roala likatiba tseo tsa litonana. Ba apara ka ho tšoana. Le ho re, “Moiseraele.”

¹⁹² ’Me A re, “Ha a na mano!” Holane e le mqhekanyetsi kapa eng feela, a ka be a pepesitsoe. O itse, “Eo ho seng mano ho eèna!”

¹⁹³ Taba eo ea hlotla seteisele se se ngata sa Nathanaele, eaba o re, "Rabbi, U ntsebella kae? Khele, ha ke—ke—ke e utloisise. U ntsebella kae? Ha ke eso kopane le Uena. Ke holisitsoe ke Filipi mona. Ebe U ntsebella kae?"

¹⁹⁴ A re, "Pele u lutse tlasa sefate sa feiga, u ntse u rapela, Ke u bone." Yaa. Ua bona?

¹⁹⁵ A re, "Rabbi, U Mora Molimo. U Morena oa Israele."

¹⁹⁶ Jesu a re, "U lumetse, kahobane Ke u boleletse sena? U tla bona tse fetisang ena."

¹⁹⁷ Joale, ba bang keha ba eme mono. Joale ke batla ho le lemosa nakoana. Mono keha ho eme bao, borabbi le baprista, 'me ba itse, "Monna enoa o sebetsa ka Belsebule."

¹⁹⁸ 'Me Jesu a retoloha a re, "Ke tla le tšoarela hona," kaha pheko eso etsoe, "empa mohla Moea o Halalelang a ttileng a etsa ntho eo," A re, "ho bua lentsoe le le leng khahlano le Eona, ho ke ke ha tšoareloa lona lefatšeng lena leha e le lefatšeng le tlang ho tla."

Ho tsoelapele ho mosali selibeng, Basamaria.

¹⁹⁹ Joale, ho be ho le merabe e merarō ea batho lefatšeng. Re ka ba batšo, basootho, basehla, seo re ka bang sona, empa re tsoa maling a le mang. 'Me merabe e merarō, e hlahile ho Kama, Sema, le batho ba Jafeta; 'me ke Mojuda, Molichaba, le Mosamaria, halofo ea Mojuda le Molichaba.

²⁰⁰ Joale, rōna Balichaba, ma-Anglo-Saxon, re ne re le bahetene, re rapela lisèto. Re ne re sa lebella Messia ka letho.

²⁰¹ Mohla Jesu a ne a Ipontša joaloka Mora motho... Joale mamelisa ka hloko, 'me ke tla koala. Jesu mohla a ne a fihla, O ne a tlamehe ho hlahaha seo moporofeta a Mo boletseng a tla ba sona, eaba O Itlhahisa mono ka pela Israele, ka pela Petrose le Nathanaele le bao mono, joaleka Mora motho.

²⁰² Joale O tlameha ho haola ka la Samaria. Eaba O nyolohela Samaria, teng A fihlela mosali a lutse selibeng. Re tseba pale, kamoo eëna, ba qoqileng. A tlide ho kha metsi. O itse, "Ak'u Ntlisetse ke noe."

²⁰³ Eaba o re, "Joale, mona re na le khethollo, ha re sebetsen tjena. Athé 'na ke mosali oa Samaria, 'me Uena u Mojuda. Ha re na..."

²⁰⁴ A re, "Empa holane u tsebile eo u buisanang le Eëna, u ka be u kopile metsi ho 'Na."

²⁰⁵ A re, "Be, seliba se tebile, ebe U tla kha kang?"

²⁰⁶ Eaba moqoqo o tsoella hofihlela A hokahana le moea oa hae. 'Me eitseha A hokahana le moea oa hae, A sibolla bothata ba hae. Ba e tsebang ba bakae? [Phutheho e re, "Amen."—Mong.] Joale littlabocha tse e tsebang e le 'nete li kae? ["Amen."] Ke hantle, e ne e le 'nete.

Eaba O reng? “Ea lata monna’o le tle koano mona.”

A re, “Ha ke na monna.”

²⁰⁷ ‘Me A re, “U boletse teng. Hoba u bile le banna ba bahlano, le eo u phelang le eèna joale ha se monna oa hao.” A retoloha.

²⁰⁸ Joale, keha a sa tšoane le baptista bao, ba itseng, “O na le liabolosi. Ke senohe sa mahlohonolo kapa ntho e ’ngoe.”

²⁰⁹ A retoloha, ’me a re, “Monghali, kea lemoха hoba U moporofeta. Joale, re mo hlokile lilemo tse makholo a mane. Kereke esale e sa tloaela ntho e tjena. Empa rea lemoха, kea lemoха U moporofeta. Joale, kea tseba re shebeletse Messia. ’Me Messia mohla a tlang, O tla etsa hoo.”

²¹⁰ Joale Bibele e itse, “Ke eèna maobane, kajeno, le ka ho sa feleng.” Haeba e ne e le pontšo e tlotsitsoeng ea Messia motšeо koana, ho Basamaria le ho Bajuda, joale, ha eso etsoe ka pela Balichaba. Ka Bibeleng ha ho moo Jesu a e entseng pela Balichaba. Esale ba shebella Messia lilemo tse likete tse ’ne; rôna re qetile lilemo tse likete tse peli, ka thupello ea bona, hepa, ho shebella Messia.

²¹¹ Joale, haeba e ne e le boitsebiso ba Hae boo pele letsatsi la bona le fela, eka khona e be boitsebiso ba rôna, hobane O tšepisitse Mora motho a tla Itšenola hape mohla lefatše le boelang le tšoana le Sodoma. ’Me mang le mang o a tseba re mono. Ua bona?

²¹² Joale, kea lumela Jesu Kreste o boloka Lentsoe le leng le le leng. Lengolo lohle le susumelitsoe. Ha ke lumele re na le tokelo e le ’ngoe, ebile re tla ahloleloa hona, haeba re eketsa lentsoe le le leng ho Eona kapa re fokotsa Lentsoe le le leng ho Eona. Tšenolo 22 e rialo. Kea lumela esale Eèna maobane, kajeno, le ka ho sa feleng.

²¹³ Ruri ke hlompha Lutherane ka kemo ea bona letsatsing leo, Methodise ka khalaletso letsatsing la bona, le Pentekosta ka kemo ea bona letsatsing la bona, empa re phela letsatsing le leng. Re phela mohla ho fetileng tlhaka, tjellane, lekhapetla, le batlang le tšoana le Koro, empa Koro e kahara lekhapetla. Lekhapetla le mpile la tšehtsa Koro feela, la E baballa ho tlaboloa ke letsatsi le chesang. ’Me joale mokhatlo oa bolumeli bo ikhula ho Eona, hore È tle e khone ho robala ka pela Sefahleho sa Mora, ho butsoisoa. Ka baka leo rea—re ka hare... Ha ho sa tla hlaha mekhatlo. Ena ke pheletso ea eona. Re fumane, nkaré lilemong tse tharō, enereha molaetsa o qala, ba o hlophisa.

²¹⁴ Taba ena e batla e tsöeletse lilemo tse mashome a mabeli, ’me ha ho mokhatlo. E ke ke ea etsahala. Re nakong ea Koro, nako ea kotulo. Ke utloa molumo oa sekele. Re khutlela Lapeng ka tsatsi le leng. “Esale Eèna maobane, kajeno, le ka ho sa feleng.”

²¹⁵ Joale, 'na ha ke Eèna, ke mpa ke le mohlanka oa Hae. Ha ke lumele ho beha batho matsoho ho ba abela lineo. "Lineo le lipitso ha li tlisoe ke pako." Li reriloepele, ke Molimo, ho khahlana le mongoaha le nako ea mongoaha oo. Moithuti ofe oa Bibele o e tseba e le 'nête. Moshe o tsoetsoe nakong e tšoanelehang. Jeremia, ka nako, le ba bang bohle. Johanne Mokolobetsi, ka nako. Jesu o ne a le nakong. 'Me re nakong ena. Sena ke sona se tlamehang ho etsahala.

²¹⁶ Joale, ke Mo tlaleha a phela kajeno, le Moea oa Hae. Ka mora mengoaha ea kereke, re mongoaheng oa kereke ea Laodisea, pitso ea ho qetela, le o khopo ho feta hara eona, hoba A ntšelitsoe kantle ho kereke. Hopolang, Mora motho, 'me O ntšelitsoe kantle ho kereke; ha se mokhatlo o tsoang ho mokhatlo, empa Motho ea tsoang mokhatlong. Ua bona? Mengoaha kereke e meng ha ea fumana hoo, haese Laodisea feela. Ha u le motho oa moea, u tla utloisia.

²¹⁷ Ntata rōna Maholimōng, joale ke hlile ke pakile ka Uena. Joale haeba e le 'nête, etsoe ke e tseba e le joalo, Morena, kea lumela hore ke 'nête, U mpakela ke buile 'Nete. Ka Lebitso la Jesu Kreste. Amen.

²¹⁸ Ke tlil'o botsa taba, nakoana feela. Ke ne ke sa tl'o tšoara temoho ea moea moleng, kaha ke hopotse lona bohle le kile la etela tšebetso ea ka. Empa molemong oa batho ba leng teng mona, batho ba kantle mono ba qale ba rapele, 'me ebe motho ea moleng feela, kapa ntho e 'ngoe. 'Me joale ha Jesu Kreste a ka tšoara motho enoa. E ke ke ea sebetsa kantle ho lona. Ke lona ba e etsang.

²¹⁹ Joale, mamelang, mosali o ne a ame seaparo sa Hae, tsatsi le leng, eaba O retoloha, ho re, "Ke mang ea Nkamileng?"

²²⁰ Bohle ba itse, "Khele, Ekare U . . ." Kapa, Petrose o itse, "Khele, letšoelé lohle lea U ama."

²²¹ A re, "Empa Ke utloile Ke fokola, kapa molemo o tsoile ho 'Na." *Molemo* ke "matla." Le ho re, "Ke utloile hoba Ke—hoba Ke ile ka fokola."

²²² Eaba O sokoloha a sheba, a bona mosali, hofihlela A mo fumana, a mo bolella ka phallo ea hae ea mali. Le hore o . . . O itse, "Tumelo ea hao e u pholositse." Ke hantle.

²²³ Joale, esale Eèna maobane, kajeno, le ka ho sa feleng. 'Me Testamente e Ncha, Buka ea Baheberu, e itse, "Hajoale Ke Moprista e Moholo ea u emelang, ea ka angoang ke maikutlo a mahlomola a rōna."

Joale, mona, na eo—na eo ke e mong oa bakuli mona? Tloo.

²²⁴ Joale, bakeng sa letšoelé. Ha ke etse mponeng, metsoalle. Joale tlohela ho nahana joalo. Hopola, ke fumana mehopolo ea hao. Ba e tsebang e le 'nête ba bakae, 'me ba e bona? [Phutheho e re, "Amen."—Mong.]

²²⁵ Mosali eo ke—ke eso 'mone ke enoa. Ha ke tsebe ntho e le 'ngoe ka mosali. Mohlomong re siana hole, ka lilemo, 'me ke rōna bana re eme bosius bona. Ha re tsebane. Ha ke u tsebe. Joale, ha ke na le khopolo. Mona, enoa ke—enoa ke Mohalaleli Johanne 4 hape, e—e monna o kopana le mosali. Joale, 'na ha ke Jesu le eēna hase mosali eo. Empa ke papiso e tšoanang. 'Me O itse, "Mesebetsi eo Ke e etsang le tla e etsa le Iona." Joale, ha ke tsebe. Ho tla qosa tumelo ea mosali enoa ho e etsa. Ha ke tsebe letho la hae. Empa haeba ke u boleletse 'nete, Molimo o tlamehile ho etsa ntho... ho e bolela e lokile. Joale, ha ke u tsebe, haeba Molimo oa Leholumō...

²²⁶ 'Me ke boletse 'Nete. Ua lumela seo ke se buileng kahoo ke 'Nete? U amohela hore e lokile? [Khaitseli eo o re, "Kea e lumela."—Mong.] U a e lumela na? Nke ke ka ema mona ka pela Bibele e Halalelang ka leka ho khelosa motho, monna oa lilemo tsa ka, athe ke tseba ke tlameha ho kopana le Molimo koana Setulong sa Kahlolo. Re tlameha ho ema mono, tsatsi le leng. Re tseba seo.

²²⁷ Joale ha Molimo, o ka ntšenolela, ntho e 'ngoe bophelong ba hao, u tsebang ke sa tsebe letho ka eona, hoba ha ke u tsebe. Haeba ntho efe e le teng, eka khona ebe ntho e bophelong ba hao. Ke tla be ke sa tsebe letho ka eona. E tlameha ho tsoa Matleng a kaholima tlhaho. 'Me ke taba ea hao, u ka nahana hore na Matla ao e ne e le eng.

²²⁸ Joale ho lona ba tlileng bocha. Joale ke phahamisa letsoho la ka. Joale, ka kopo le se ka 'na la tsamaea, hoba, lea bona, e mong le e mong ke moea. Ha ke retoloha, u utloa ntho e ka e—e khulo hohle. Ua bona, le—le batho 'me le na le meea. 'Me u moea. Haeba u se na ona, u shoele. Ka baka leo u e hlomphe, nakoana feela.

²²⁹ 'Me lona banna ba mona, le rapele. Ke ne ke sa e lebella, ke ne ke sa tlela sena bosius bona, ho hang. Ke tlie ho rapella bakuli feela. Empa bao ke ba tlileng bocha.

²³⁰ Joale, na u lumela seo? Ha Morena a ka mpolella bothata ba hao, kapa morero oa hao mona, seo u se entseng kapa seo u neng u tlamehile ho se etsa, kapa—kapa nthoe itseng, na u tla lumela? Ho lokile, ke ntse ke leka ho hokahaha le moea oa hao, u a bona. Ke ntse ke leka ho etsa joalo. Kamoo A entseng ho mosali selibeng, O buile le eēna nakoana, ua bona, O ne a kopa metsi. Le 'na ke leka ho etsa joalo, ke ho finyella mohopolo oa hao, hase ho bala mohopolo oa hao; empa ke ho leka ho Mo etsisa, ho lemoha menahano ea hao.

²³¹ U mona ka maemo a mpa. U jeoa ke mpa. Ke hantle. Phahamisa letsoho la hao haeba e le 'nete. U a lumela joale? Ha se hoo feela, empa u lapetse ho hong. U batla kolobetso ea Moea o Halalelang. Tsokotsa letsoho la hao haeba e le 'nete.

Ua bona? Ke bone Leseli leo le theohela holima hae, le ntoo khutla, ua bona. Tsamaea o amohele Moea o Halalelang, ka Lebitso la Jesu Kreste, karabo.

²³² U a lumela joale, setlabocha? [Phutheho e re, "Amen."—Mong.] Joale u re...

²³³ Joale mona, ua bona, hang ha tlolo eo e qala, ke ena E tloha. Ua bona, eitse hang ha mosali eo a ema, ke eo, hona joale o a... O elelloa hore Ntho e mo teetse hare.

²³⁴ Ba boneng senepe sa Topallo ea Mollo ba bakae, Leseli leo mono? Mane Washington D.C. Ua bona? Joale kea lakatsa... Ke daemenshene e 'ngoe, ntho e kang eo. Ke ntse ke Le shebile. Ke leo Le leketlile mono pela mosali. Ke ntse ke Le shebile.

²³⁵ Joale, ke osele ka botlalo ho mosali enoa. Ha ke mo tsebe. 'Me ke belaela haholo hoba o a ntseba, haese kantle koana kopanong. Ke phetho. Empa ha Molimo o ka mpolella letho ka uena, kapa ntho e kang ea nakoana e fetileng, u tla lumela hoba ke moporofeta oa Hae, mohlanka oa Hae? U tla e lumela ka pelō eohle ea hao? Be, A ke a e abe. Uena, u tobane le oporeishene, 'me oporeishene eo e mabapi le letsoho la hao. Ha ho sebaka lipakeng tsa ona, empa ke bakeng la maemo a methapo ea letsoho la hao. A bakiloe ke kotsi, 'me u tlameha ho etsoa oporeishene. U a lumela, 'me u ke ke ua tlameha ho etsoa oporeishene, ha u ka lumela feela ka pelō eohle ea hao! Tloo, joale. Na u lumela tsepiso ea Hae? [Khaitseli eo u re, "E, monghali."—Mong.] Yaa.

²³⁶ Joale u be le tumelo feela joalo. U se ke ua belaela feela. Lumela feela. Joale, mona, ha re lumelle mosali a le mong enoa feela hape, hoba maemo a mosali enoa a hlokolosi. Na le bona seriti se setšo seo? Ba boneng senepe seo se katlatlitsoeng sa seriti se setšo sa lefu ba bakae? Se leketlile holima mosali hona joale. Ha Molimo o sa mo thuse, a ke ke a phela. O na le lethopa. [Khaitseli o re, "E!"—Mong.] 'Me lethopa le bokong. ["E!"] Uh-huh. Uh-huh. Uh-huh.

²³⁷ Molimo o Ratehang, haeba U le teng joale u le haufi, uena u tsebang lintho tsena tsohle, kea rapela, Molimo o Ratehang, hore U folise khaitseli ea rōna. A ke a phele, Ntate, bakeng sa tlotliso ea Hao. Ke e kopa ka Lebitso la Jesu Kreste. Amen.

²³⁸ U phela joang? U motho ea mosa haholo. Holane 'mè a ntse a phela, le ka be le le lithaka, kea kholoa. O Khanyeng, bosiusg bona. O ne a nthapella kamehla ha ke ea kopanong. Ke itse ho Morena... [Khaitseli o re, "Lilemo tsa ka li mashome a robeli a metso e mehlano."—Mong.] Mofumahali? ["Lilemo tsa ka li mashome a robeli a metso e mehlano."] Lilemo tsa ka li mashome a robeli a metso e mehlano. Ho bokoe pelō ea hao, khaitseli.

²³⁹ Joale, ke molata ho uena ka botlalo, kea kholoa. Re siana haholo ka lilemo. 'Me ha ke u tsebe. Ha ke eso u bone. Re batho ba babeli feela ba kopanang lefatšeng mona, empa u Mokreste.

U molumeli. Hoba, lebaka leo ke tsebang ka lona, ke maikutlo a moea oa hao. Uena, u nkamohetse, ua bona. 'Me ke lumela e le Moea o Halalelang, hoba o sebetsa le ho etsa liketso tsa Moea o Halalelang. Ua bona? 'Me kea tseba hore Ke Eèna. Kea tseba hoba seo re se buang se nèpahetse. Joale, kea tseba ke 'nete.

²⁴⁰ Joale, ha ke tsebe se phoso. Empa ha Morena Jesu a ka ntšenolela bothata ba hao, na u ka...u tla tseba haeba e le lokile kapa che, kapa ho mpolella seo u se entseng, kapa seo u nong u sa tlameha ho se etsa. U tla lumela hore e ne e le Morena Jesu ea tšoanang, ona Molimo o khonneng ho bolella Filipi moo a neng a le teng, ho bolella Simone lebitso la hae? Na u Mo lumela e le eèna Eo?

²⁴¹ Bothata ba hao ke bothata ba mala. [Khaitseli o re, "Ke eona."—Mong.] Ke eona. Ha ho joalo? ["E, monghali."] Joale u a lumela ke moporofeta oa Hae? Lebitso la hao ke Mof. Bayer, Mof. Bayer; Bayer, ntho e kang Bayer aspirin. Ke hantle. U folile. Tsamaea, Jesu Krestre o a u folisa. Molimo a u hlohonolofatse.

²⁴² Na u lumela ka hohle ha hao...Joale ha u ka ba le tumelo feela, se belaele!

²⁴³ Joale, ehlile ha u a tlela uena mona. U tletse motho e mong mona. Ke monna, 'me ha a eo mona, moena. Moena eo o kokelong ea maemo a kelello. Nka sakatuku seo u se tšoereng letsohong, Moea o sa lutse holima hao, u mo romelle sona. Se behe holima hae, se belaele, o tla tsoa kokelong ea kelello a phetse. U a lumela na? Molimo a u hlohonolofatse.

²⁴⁴ U itsalo, "U itse, 'Lengeloi leo, letsatsing la morao mono, Le ne le furalalitse mokokotlo oa Lona.' Be, sheba."

²⁴⁵ Ha ke na ho sheba mosali enoa. Kea mo furalla. Joale, mofumahali, uena ea kulang, na u a nkutloa, e re "e." [Khaitseli o re, "E."—Mong.] Ha Morena Jesu a ka ntšenolela bothata ba hao, athe ke shebile koana, u tla tseba haele 'nete kapa che. Na ho joalo? Na lea lumela ke ho phethahatsa seo Jesu a se buileng, "E tla etsoa matsatsing a ho qetela, joaleka matsatsing a Sodoma"? Na u tla e lumela? U na le pherekano ea bofumahali, bothata ba botšeħali. Lumela ka pelō eohle ea hao joale, bo tla u lesa 'me u ka ikela hae u phetse. Molimo a u hlohonolofatse.

"Ha u ka lumela!"

²⁴⁶ Na u lumela Molimo a tla folisa bothata boo ba pelō? Be, lula u tsamaea feela, u ntse u re, "Kea U leboha, Morena!" Lumela!

²⁴⁷ Ha u tsoha hoseng, u batla u sa khone ho tsamaea. Athritis ke ntho e mpe, empa Jesu Kreste ke Mofolisi oa athritis. U lumela seo? U theohile motheo, ka lekeke, ha u theoha. Ke u bona u etsa joalo. Ha u sa tla tlameha ho etsa joalo, ha u ka

lumela. U lumela hore ke romeletsoe morero ona? [Khaitseli o re, “Ke etsa joalo.”—Mong.] Ka hona, ka Lebitso la Jesu Kreste, e mo tlohele. Amen.

²⁴⁸ U jeoa ke bothata ba mpa. Na u lumela Molimo a tla u khutlisetsa hae, ho ja sophoro ea hao, u ikutloe u thabile? Tsamaea ke hona, u je sophoro ea hao, lumela ’me u tla ikutloa monate.

²⁴⁹ U fihleloa ke bofokoli, ke hantle, hobane ka baka la bothata ba pelō ea hao. Ke hantle. Ha e sa hlola e u tšoere joale. Tsamaea, e lumele.

²⁵⁰ Haeba ke sa bue lentsoe le le leng ho uena, ka u beha matsoho feela, u tla lumela ho ’na, hape, hore u tla phekoloa? Tloo koano.

²⁵¹ Ntate ea Ratehang ea Maholimōng, ke U rapela ho folisa mosali le ho mo phekola, ka Lebitso la Jesu Kreste. Amen.

²⁵² Ke batho ba bakae ba lumelang mona, ba ttileng bocha ba lumelang ba bakae, lona batho bohole?

²⁵³ Nahanang feela, ’me ke batla ke sa bone batho ba kenang joale. Le hopole feela, pono e le ’ngoe e ne e fokolise Morena Jesu. Ba bakae ba tsebang? Mosali a le mong o Mo amme. Daniele o bone pono eaba e sotla kelello ea hae, hlooho ea hae, matsatsi a itseng. Ba e tsebang ba bakae? [Phutheho e re, “Amen.”—Mong.] Ua bona? Ke hantle.

²⁵⁴ Joale batho ba e lumelang ba bakae hara lona, hore enoa ke Moea o Halalelang? Na le e lumela ka eohle ea lona.... E seng ’na, joale. Moea o Halalelang! Joale ba teng banna ba lutseng mona ba e lumelang, le bona.

²⁵⁵ Joale tse ling, joale batho ba bang ba lona ba tšoereng litlankana tsa thapelo, ke batla mang le mang ea tla kena moleng ona oa thapelo, a eme ka maoto a hae, nakoana feela.

²⁵⁶ Shebang, ke batla ho le botsa potso e mahlonoko. Na le ipoletse libe tsa lona tsohle tse leng teng? Lea lumela? Na le ipoletse, ’me le—le lumela hobane le tla folisoa? Le ipoletse libe tsohle tsa lona la lokisa bobe bohole? Phahamisang matsoho a lona, haeba le entse joalo, ka pela Molimo, le lumela seo.

²⁵⁷ ’Me joale ka matsoho a lona a phahamisitsoeng, hape, lea lumela e nka Moea o Halalelang, ’me enoa ke Moea o Halalelang ea Inètefatsang hara lona? Le e lumela ka pelō eohle ea lona? [Phutheho e re, “Amen.”—Mong.] Le etsa joalo? Ha ho le joalo mang le mang oa lona a ka folisoa.

²⁵⁸ Joale le na le tumelo le tšepo ho bareri bana ba lutseng mona? Na le bona lea ba lumela, hape? Le reng ha re ka le rapella, e mong le e mong, le ho le fetisa ho le beha matsoho holimo.

²⁵⁹ Ketso ena e a mphokolisa. E sebetsa joalo feela, feela e—feela e a ntšebetsa.

²⁶⁰ 'Me ke—ke ea Afrika Boroa ka morao ho mona. Hoba, oh, khili, lea tseba ho joang tlase mono moo u sa khoneng le ho bua le batho. 'Me ho tla ba le... Bonnyane re lebeletse batho ba likete tse makholo a mararō, kopanong e le 'ngoe.

²⁶¹ Ka baka leo le lumele feela! Lona ba leng mona Amerika, le E bone kahare le kantle.

²⁶² Molimo o Ratehang, batho bana ba hloka. 'Me ha ke tsebe letho leo U ka hloolang u le etsa, Ntate, ho e pakela ka Lentsoe la Hao, hore U Molimo o sa fetoheng. Ke lumela re bone lintho tse ngata haholo tse khōlō, Morena, re jele tafoleng ea Hao, hamonate hakakang, Lijo tsa Bosafeleng tsa Bophelo tse babatsehang, ho fihlela re eba... 'me re Li tloaetse. Li—li fetoha ntho ea tloaelo. Ha re, ha re sa Li atamela ka tšoanelo, Morena, ka nako ha re e bona. Le 'na kea ikhopola ke sa eme mona, ke tlamehile ke be ke khumame mangoleng a ka, kaha ke tseba hoba Moea o Mo tsositseng bafung o eme mona hantle. Moea o nong o lutse holima Hae mohla A ne a phela lefatšeng mona, o teng hantle mona joale. 'Me rōna, baetsalibe ba se nang tokelo, ka mohau oa Hae le ka lereko, O rekile maphelo a rōna. 'Me ke rōna bana, kajeno, re ntšeletsa mosebetsi oa Hae, kamoo A re laetseng ho ntšeletsa mosebetsi oa Hae pele. "Mesebetsi eo Ke e etsang le lona le tla e etsa." Ho tsepisa lintho tsena le ho li pakahatsa, mona lefatšeng! Morena, ke U leboha haholo, ha ke khonne ho etsoa karolo ea batho ba Hao, letsatsing lena.

²⁶³ Molimo o Ratehang, batho bana ba eme. Ba kula, Ntate. Ha ke na mokhoa oa ho ba folisa. Ekasita le Uena ho joalo, U se u ba folisitse. U hlabetsoe libe tsa rōna, re folisitsoe ka maqeba a Hao. Ka hona, Ntate, ke kopela mang le mang ea fetang mona, ha re tla ba rapella, ba fete eka ba tsamaea tlasa sefapano. Hobane ba tseba, ntle ho seriti sa pelaelo, hore Moea o Halalelang o nétefalitsoeng o teng mona kalaneng. Kreste oa Molimo o kahara kopano. Tšoarela sebe se seng le se seng. Tlosa ho se lumele hohle. 'Me ho folisoe mang le mang oa bona ea fetang moleng ona. Ka Lebitso la Jesu Kreste, kea e kopa. Amen.

²⁶⁴ [Moena e mong o re, "Moena Branham, ha re ka khona ho lulisa motho mang le mang, 'me re sebetsane le sehlopha se le seng ka nako, re ke ke ra hatellana."—Mong.] Yaa. Ho lokile.

²⁶⁵ Joale ke batla ho le kopa ntho e 'ngoe. Na le ka khona, baena ba ka, la tla ema le 'na mona?

²⁶⁶ Lea bona, taba e amanang le eona ke ena. Baevangeli ba bangata ba kena motseng, 'me ba rapella bakuli, le lintho tse ling tsohle. 'Me hoba phutheho, hoba tsohle li fete, bao—bao—bao batho ba hahiloe holima baevangeli, lea bona. Ha ho joalo, lona batho ting. Banna bana, kea belaela hore mongoaheng ona... Kea tseba, boetsitsi bo bongata, empa nke ke ka bua seo ke neng ke se lekantse. Mohlomong banna bana ba ke ke ba etsa joalo, ke 'nete, 'me ke hlile ke e belaela haholo.

²⁶⁷ Empa le bona ba tlotsitsoe ke Molimo hakaalo, ho beha bakuli matsoho, joaloka' na kapa motho mang. Molimo o tla arabela thapelo ea bona feela, joalokaha A ka etsa thapelo efe feela e leng teng. Jesu o laetse, "Mehlolo ena," ha ho a thoe e tla tsamaea le William Branham morao, Oral Roberts, le ba joalo, "e tla tsamaea le ba lumelang." 'Me banna bana ba tlatsitsoe ka Moea oa Molimo. Ke batho ba kolobelitsoeng, ka Moea o Halalelang o le mong. Moea oo o hlahile mona o sebetsa nakoana e fetileng, O sa le teng mona. O holima monna e mong le e mong oa bana, lea bona, 'me bohole ba tlatsitsoe ka Oona. Ka baka leo ke tla ba kopa ho fola mela e 'meli mona, maphakong a mola ona mona, kea ba kopa, hore ba khone ho beha bakuli matsoho a bona, le bona, ha ba feta.

²⁶⁸ 'Me ba batla hore ho eme ba tšoereng litlankana tsa thapelo, litlankana tsa thapelo feela, ho ema kantle pakeng tsa mela ea litulo. Lona ba bang le rapele, metsotsso e 'maloa joale. Emang, sehlopheng sa lona, le emelle ho le letšeħali la sehlopheng sa lona. Le eme kantle, sehlopheng sa lona, 'me ba tla le bitsa. Ha le bona mola ona mona o fela, ho kene mola *ona*. Ha mola *ona* o fela, ho kene mola *ona*.

²⁶⁹ 'Me ha le feta joale, le hopole, le tla tsamaea lefeela ha le sa lumele. Ba e tsebang ba lona ba bakae, u utloa hantle feela pelōng ea hao, hore u rapeletse taba ena ka ho shoellela, 'me u tla fola hang feela ha u feta mola *ona*? Phahamisa letsoho la hao, u re, "Kea e amohela, Kreste, hona joale, kahobane feela U laetse lintho tsena."

²⁷⁰ Joale ke rapella mang le mang oa lona. Re tlil'o rapela. Ke tla kopa Khaitseli Rose kapa ea lutseng okonong mono, Khaitseli Rose, na u ka re letsetsa, rōna, *Ngaka E Khōlō E Haufi Joale*. 'Me batho, batho ba bang bohole, ba lule thapelong. 'Me etlere ha ba feta moleng *ona*, kea lumela e mong le e mong o tla fola. Molimo a le hlohonolofatse. Ba bang ba lona le inamise lihlooho tsa lona, le rapelle ba bang.

²⁷¹ Le tsepahale ruri. Ua bona, moreri e monyane eo oa Baptise o fumane Moea o Halalelang ka mokhoa oo, bosiu bong. O ne a nahanne ka eona, a lutse mono feela, ka botšepehi bo shoetseng, eaba O tšolohela holima sehlopheng sa bona. O tlameha ho tsepahala nqa Molimo.

²⁷² Joale O pakile hore O na le lona mona. O teng mona. Joale ha motho a re ho lona ana ke maikutlo a fehliloeng, joale le tseba hantle, ha ke re, lona ba tlileng bocha? O Inetefalitse, ke Eēna. 'Me ha ho mang ea khonneng ho etsa hoo. Ntho ena ha eso etsoe ho qala matsatsing a baapostola. Joale e khutletse kerekeng, kamoo ho tsepisitsoeng. Morena a le hlohonolofatse joale.

²⁷³ Joale, lona batho, etlere ha le feta moleng *ona*, tloong, le ntse le rapela. Mang le mang joale, "E—e Ngaka e khōlō e haufi

joale, ke Jesu ea lereko.” Joale ha le etla, le tle le inamisitse lihlooho tsa lona, ka hlompho. Le fete. Banna bana ba tla le beha matsoho, le tla fola. [Sekheo lebanteng—Mong.]

...-est pina ea mangeloi...

...?... Ke hantle haholo. Hosane bosiu...?...

²⁷⁴ [Sekheo lebanteng—Mong.]...?...ntho. Empa, ke ntho e ikokobelitseng ea ho mamela seo Molimo a se laelang ho etsoa. Ke e bone e etsoa hangata. Ua bona, ebile Lengolo ha lea re laela ho rapella batho, Le itse, “Le behe bakuli matsoho, ba tla fola.”

²⁷⁵ Haufinyane, oh, ke...Ha ke re haufinyane. Ke ne ke hopotse ketsahalo eo hona joale. Ekaba lilemo tse tharō kapa tse 'ne tse fetileng, kapa ho feta. Mohla re etetseng koano California. Eaba ho feta basali ba babeli, e mong oa bona a tsoile e—e lethopa sefahlehong, e mong ka bothata ba mpa. ‘Me ba e lumela feela joalo. Ke ile ka ba beha matsoho, le ho re, “Joale, ke etsa sena ka Lebitso la Morena Jesu.”

²⁷⁶ E ne e batlile ho ba khoeli hamorao. Mofumahali o ne a leka ho ja, a ntse a jeo a ke mpa, keha a sa khone. Hoseng ho hong, “a arubetsoa ke maikutlo a pholileng haholo” holima hae, a re, eaba o tloha a ea ja. A tloha a ea bolella moahisane oa hae, ‘me moahisane a ntse a hlohlora liphate, ka mokhoa *oo*, a leka ho fumana lethopa le nyametseng sefahlehong sa hae bosius boo.

²⁷⁷ Ua bona, lumelang feela, metsoalle. Haeba A etsetsa e mong joalo, O tla e etsetsa bohole. ‘Me ke nthoana ea ho beha matsoho feela. ‘Me ke sona seo A se laetseng ho etsoa. Ha re tsebe na e sebetsang joang. Ha ke tsebe na e sebetsa joang. Ke tsepiso ea Hae. O itse e tla sebetsa. ‘Me ke fumane mashome a likete, lefatše ho pota, ba ipholla feela. Molimo o tsepisitse ho e etsa, ‘me ke tsepiso ea Hae. Ua bona, re mpa re lumela seo feela.

²⁷⁸ Joale, bohole re tla koano. ‘Me lona ba sa khonang ho ema, le atamele haufi, ‘me re tlil’o le rapella. Joale ke batla hore e mong le e mong oa lona banna a fetele ka mona, le behe matsoho a lona ka mona, hantle ka mono. ‘Me ke batla ho ema mona ke rapele, ke ntano tla ba beha matsoho, le ‘na. Ho lokile, kenang hantle ka mona. Bohle le atamele haufi, hore mang le mang a le finyelle.

²⁷⁹ Molimo o Ratehang, ka Lebitso la Jesu Kreste, re rapella batho bana, ba bang ba hlomohile, ba holofetse. Matsoho a bareri bao ke ao, Morena, a e-ea pele le morao ho tloha ho e mong ho ea ho e mong. Ke U rapela ho folisa e mong le e mong oa bona, Morena. Moea o Halalelang o theohele holima batho, e mong le e mong oa bona, Ntate. ‘Me Matla a maholo a Molimo a ba khurumetse hona joale feela, ‘me ba tlohe ba ee hae ba phetse. Re tseba sena, Jesu o itse, “Ha ba beha matsoho holima ba kulang, ba tla fola.” U e tsepisitse, Molimo o Ratehang. Re ntse re e lumela. Re ntse re e lumela, hobane U

itsalo 'me re e tseba e le joalo, ka hona batho bana bohle ba tla fola. Ka Lebitso la Morena Jesu Kreste, ke ba hlohonolofatsa bohle. Amen.

²⁸⁰ Molimo a le hlohonolofatse. [Moena Branham le bareri ba beha bakuli matsoho ba rapella batho. Sekheo lebanteng—Mong.]

²⁸¹ Pelō ea ka e amohela pholiso ea e mong le e mong oa lona. Kea e lumela. Na le tla lumela le 'na 'moho, e mong le e mong oa lona? Ke phetho. Ke le boleletse 'nete, ho latela tsebo ea ka feela. Kea le rata, 'me Molimo a le hlohonolofatse. 'Me kea—kea lumela, ka pelō ea ka eohle, le tla fola. 'Me mahlohonolo a ka a lule holima e mong le e mong oa lona. Molimo a le lise a le sireletse. Le teng lithapeleng tsa ka. Na le tla nthapella ke sa le Afrika? Kea—kea le rata. 'Me ke tla le bona hosane bosiu. 

NA EBE MOLIMO O FETOLA MOHOPOLO OA HAE? SST65-0427
 (Does God Change His Mind?)

Molaetsa wona, ka Moena William Marrion Branham, o rerilwe sethatong ka Senyesemane Labobelis mantsiboya, 'Mesa 27, 1965, borakefese Ba Machaba Ba Selekane Sa Borakhoebo Ba Evangelie E Tletseng, Embassy Hotel, Los Angeles, California, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org